

玉海



0.40
1000.114
34822

玉海卷二十九

浚儀王應麟伯厚甫

聖文

御製詩歌

伏羲網罟詠

見樂類

神農豐年詠

見頌類

堯大唐歌

文心彫龍堯有大唐之歌舜造南風之詩二文辭達

而已大禹成功九敘惟歌唐歌在昔則廣於黃氏虞
歌卿雲文於唐時野老吐何力之談郊童含不識之
歌尚書大傳謗然作大唐之歌又見音樂

詩正

義六藝論云唐虞始造其初至周分爲六詩

堯歌

古今樂錄堯郊天地祭神座上有響誨堯曰水方至
爲害命子救之堯乃作歌謝希逸琴論曰神人暢堯
帝所作堯彈琴感神人現故制此弄也清廟穆兮
承予宗百僚肅兮于寢堂醊禱進福求年豐有饗在
坐敕予爲害在元中欽哉皓天德不隆承命任禹寫

中庸

舜勅天命歌

書帝庸作歌曰勅天之命惟時惟幾乃歌曰股肱喜

哉元首起哉百工熙哉

勅正也時至幾動可以觀天命矣此二句乃導其意於詩

歌之

舜南風詩

禮記疏南風詩名孝子之詩舜以教天下之孝

見琴

古今樂錄舜彈五絃之琴歌南風之詩

謀命遠

今論舜作思親操孝之至也

史記樂書昔者舜作

五絃之琴以歌南風法王肅曰南風育養之詩也索

隱曰此詩之辭出尸子及家語。家語其詩曰南風之薰兮可以解吾民之溫兮南風之時兮可以阜吾民之財兮。

舜卿雲歌

尚書大傳舜時俊乂百工相和而歌卿雲帝倡之曰卿雲爛兮禮縵縵兮日月光華旦復旦兮。崔駰傳注引大傳

八伯稽首曰明明上天爛然星陳日月光華弘于一人帝乃載歌曰日月有常星辰有行四時從經萬姓允誠於予論樂配天之靈。宋符瑞志同 選注大傳

虞舜歌樂曰和伯之樂舞元鶴

呂氏春秋舜自

爲詩曰普天之下莫非王土率土之濱莫非王臣

禹九歌

書大禹謨九功惟敘九敘惟歌勸之以九歌

離騷

啓九辯與九歌注禹樂也九州之物可辯數九功之德可歌

尚書大傳歌大化大訓六府九原而夏道

典注四章皆歌禹之功

湯晨露歌

見樂類

徐陵云紫庭黃竹之詞晨露卿雲之藻

徐景安樂書曰南風卿雲謂舜之歌也唐歌謂帝學之歌也晨露湯之歌也

文王鳳皇歌

古今樂錄有鳳皇銜書於文王之郊乃作鳳皇之歌

曰銜書來遊以命昌兮

云

云

又琴論

見琴類

周飫歌

國語衛彪傒曰周詩有之曰天之所支不可壞也其所壞亦不可支也昔武王克殷而作此詩也以爲飫歌名之曰支以遺後人使永監焉禮之立成者爲飫

周成王儀鳳歌

琴操周成王時鳳皇來舞於庭成王乃援琴而歌曰

鳳皇來儀百獸晨又曰鳳王翔兮於

一作舞

紫庭余何

德兮以感靈賴先人兮恩澤臻于胥樂兮民以寧

初學

記引之

宋符瑞志鳳皇翔庭成王援琴而歌曰鳳皇

翔兮於紫庭余何德兮以感靈賴先王兮恩澤湊于胥樂兮民以寧

穆王黃竹詩

穆天子傳天子南游于黃臺之丘以觀夏啓之所居

獵萃澤

一云獵于餅山

日中天寒北風雨雪有凍人天子作

詩三章以哀民曰我徂黃竹員闕寒帝收九行嗟我公侯百辟冢卿皇我萬民旦夕勿忘大天子觴西王母于瑤池之上西皇母爲天子謠天子答之曰予歸

東土咏治諸夏

漢大風歌

風起詩

高祖歌詩

三侯

章

高帝紀十二年冬十月上破布軍于會稽上還過沛
留置酒沛官悉召故人父老子弟佐酒發沛中見得
百二十人教之歌酒酣上擊筑自歌曰大風起兮雲
飛揚威加海內兮歸故鄉安得猛士兮守四方令兒
皆和習之上乃起舞忼慨傷懷 禮樂志高祖既定
天下過沛與故人父老相樂醉酒歡哀作風起之詩
令沛中見僮百二十人習而歌之至孝惠時以沛官

爲原廟令歌兒習吹以相和常以百二十人爲員沛
吹鼓員十二人 藝文志高祖歌詩二篇 張良傳

高祖歌曰鴻鵠高飛一舉千里羽翼以就橫絕四海

史記樂書高祖過沛詩三侯之章令小兒歌之正
義三兮也索隱云侯語辭詩侯其禱而是也沛詩有
三兮故曰三侯 文中子大風安不忘危其霸心之
存乎 文心彫龍大風鴻鵠之歌亦天縱之英作也

漢瓠子歌 盛唐縱陽歌

紀武帝元封二年四月作瓠子歌 溝洫志上用事

萬里沙還自臨決河湛白馬玉璧令從官以下皆負

薪竇決河上悼功之不成廼作歌曰瓠子決兮將來
河浩浩洋洋兮慮殫爲河殫爲河兮地不得寧功無
已時兮吾山平吾山平兮鉅野溢魚弗鬱兮柏冬日
正道弛兮離常流蛟龍騁兮放遠遊歸舊川兮神戲
沛不封禪兮安知外皇謂河公公兮何不仁泛濫不止
兮愁吾人罄桑浮兮淮泗滿久不反兮水維緩一曰
河湯湯兮激潺湲北渡回兮迅流難寧長菱兮湛美
玉河公許兮薪不屬薪不屬兮衛人罪燒蕭條兮噫
乎何以御水隕林竹兮捷石菑宣防塞兮萬福來於
是塞瓠子築宮其上名曰宣防

紀元封五年冬南

巡狩至于盛唐望祀虞舜于九疑自尋陽浮江親射
蛟江中獲之舳艫千里薄樅陽而出作盛唐樅陽之
歌
文心雕龍栢梁展朝燕之詩金隄製恤民之誄
武帝集曰悼奉車子侯自爲歌詩

漢秋風辭

漢武故事帝行幸河東祠后土顧視帝京忻然中流
與羣臣燕作秋風辭曰秋風起兮白雲飛草木黃落
兮鴈南歸蘭有秀兮菊有芳攜佳人兮不能忘汎樓
船兮濟汾河橫中流兮揚素波簫鼓鳴兮發櫂歌懽
樂極兮哀情多少壯幾時兮奈老何
文中子秋風

樂極哀來其悔忘之萌乎

見文選

漢芝房寶鼎天馬白麟朱鴈歌 交門歌

武紀元封二年六月作芝房歌元鼎四年六月行寶鼎天馬歌元狩元年十月作白麟歌太始三年二月作朱鴈歌四年四月作交門歌

漢栢梁詩 唐栢梁體詩

古文苑武帝作栢梁臺

紀元鼎二年春臺建於元鼎二年登臺賦詩乃元封三

年也詔羣臣二千石能七言者乃得上坐帝曰日月星

辰和四時

自梁王以下作詩者二十五人

梁王曰

驂駕駟馬從梁來至東方朔而止

兩京記正觀五

年太宗破突厥宴突利可汗於兩儀殿賦七言詩栢
梁體御製絕域降附天下平神通口八表無事悅聖
情無忌曰雲披霧歛天地明元禮曰登封日觀禪雲
亭蕭瑀曰太常具禮方告成唐書紀儀鳳三年七

月丁巳宴近臣諸親於九成宮之咸亨殿上謂霍王
元軌等曰甘雨頻降夏麥豐孰秋稼滋榮思與叔等
同爲此歡因賦七言効栢梁體曰屏欲除奢政返淳
皇太子霍王相王侍臣並和天寶十四載三月景
寅宴群臣於勤政樓奏九部樂上賦詩數栢梁體群

臣和

漢詔賜詩

藝文志詔賜中山靖王子噲及西河子安冰未央林人
歌詩四篇

漢黃鵠歌

見祥瑞類 昭帝始元元年作又有涿池歌

漢靈臺十二門詩 歌詩四首

章帝元和二年四月作 靈帝熹平四年正月作十

二門新詩 詳見樂類 章帝親著歌詩四章列在食

舉一曰思齊姚皇二曰六麒麟三曰蜀肅雍四曰涉

卜相故事有鹿鳴承元氣二曲合帝作四篇爲六

魏文帝詩

黃初六年十月行幸廣陵故城臨江觀兵注魏書載
帝於馬上爲詩 詩之人選者芙蓉池居首 有秋
風燕歌行 文心彫龍魏之三祖氣爽才麗北上衆
引秋風列篇或迷酣宴或傷羈戍

唐翠華殿賦詩

高祖武德七年四月丙午宴王公親屬於文明殿見
安平王太妃以尊屬從家人禮降階再拜酒小闌徙
坐翠華殿帝賦詩王公遞上壽賜帛各有差 八年
五月乙巳宴五品以上及外戚於內殿賦詩賜綵

武德中秦王至涇州召司戶李百藥因賜詩

唐帝京篇

李百藥傳帝嘗與偕賦帝京篇歎其工曰卿何身老
而才壯齒宿而意新 帝京篇五言太宗製褚遂良
行書正觀十八年八月 序云以堯舜之風蕩秦漢
之弊用咸英之曲變爛熳之音 帝京篇十首見文
苑英華 書目太宗詩一卷六十九首 紀成功於
慶善之章洽臣歡於積翠之什賦成威鳳篇著帝京
銘玉華之宮贊玉陸之傳假鸞鳳以旌忠力賦勁草
以寵誠臣

唐慶善宮賦詩

會要正觀六年九月二十九日配幸慶善宮宴從臣於渭濱賦詩十韻曰粵余承累聖垂弧亦在茲指麾八荒定懷柔萬國夷梯山盛入欵駕海亦來思單于陪武帳日逐衛文棐共樂還譙宴歡比大風詩呂才播之樂府名切成慶善樂冊府元龜六年閏八月己巳至慶善宮宴三品以上於渭濱賦五言詩

唐中華殿賦詩

如兩儀殿

正觀二年十二月乙未宴突利可汗及三品以上於中華殿帝賦七言詩極歡賜雜綵四年二月己酉又

五洲卷二十一
九
宴三品以上于是殿

幸洛陽及成翠微宮賜褚亮詩

有隔闕相思之句

太宗經破薛舉戰地詩營碎落

星沉陣卷橫雲裂

又有執契靜三邊詩

唐宮體詩

虞世南傳太宗嘗作宮體詩使賡和世南曰聖作誠
工然體非雅正恐此詩一傳天下風靡帝曰朕試卿
耳 又云帝爲詩一篇述古典亡正觀十二年 官體

之號自梁徐摛春坊盡學之

會要正觀七年九月

二十三日上謂侍臣曰朕嘗戲作豔詩世南進表諫

曰

云

羣臣皆若世南天下何憂不理

唐賜蕭瑀詩

蕭瑀傳正觀九年

十一月戊午

又參預政事帝嘗曰

武德末太上皇有廢立議瑀不可以利休死懼社稷臣也因賜詩曰疾風知勁草板蕩識誠臣

初學記

載此詩云勇夫安識義智者必懷仁

又有賜房元

齡詩

又賦秋日垂清光賜元齡云還當葵藿志傾

葉自相依

唐詠雨詩

初學記太宗詠雨詩和風吹綠野梅雨灑芳田新流添舊澗宿霧足朝烟披衿弄五絃

又有首春詩初

夏秋日又秋日翠微宮山閣晚秋守歲詩冬日臨昆
明池臨洛水春日望海望終南山詩入潼關詩浮橋
詩初晴詩 過舊宅詩云新豐停翠輦譙邑駐鳴笳
一朝辭此地四海遂爲家重幸武功詩曰積善欣餘
慶暢武悅成功垂衣天下治端拱車書同白水循前
跡丹陵幸舊宮列筵歡故老高宴聚新豐於焉歡擊
筑聊以詠南風 又置酒坐飛閣詩 類要太宗儀
鸞殿早秋詩羣臣奉和

唐積翠池賦詩

魏澄傳帝宴羣臣積翠池賦詩

實錄賦尚書詩曰

曰旻翫百篇臨燈披五典

初學記云輟膳玩三墳留

燈披五典縱情昏主多克已明君鮮

舊史太宗在

洛陽宮幸積翠池宴羣臣酒酣各賦一事太宗賦尚

書曰

同寶錄

成名由積善魏證賦西漢曰終藉叔孫禮

方知皇帝尊太宗曰證每言必約我以禮也

通鑑

正觀十一年三月庚子上宴洛陽宮西苑御龍舟泛

積翠池

冊府元龜正觀十一年十月辛丑

一作辛酉幸

積翠池宴五品以上帝曰公等酒酣各宜賦一事帝
賦尚書特進魏證賦西漢其卒章曰終藉叔孫禮方
知皇帝尊帝曰證每言約我以禮此語宜記錄

唐幸靈州序事詩

舊紀正觀二十年八月己巳幸靈州庚午次涇陽鐵勒回紇等十一姓朝貢九月甲辰諸部落侯斤頡利發等相繼至靈州者數千人於是北荒悉平爲五言詩勒石序其事

通鑑二十年九月上至靈州諸部

數千人咸云願得天至尊爲可汗甲辰上爲詩序其事曰雪恥酬百王除凶報千古公卿請勒石於靈州從之

文苑英華太宗宴中山詩對敵六奇舉臨戎

八陣張斬鯨澄碧海卷霧掃扶桑

一册府元龜二十

年八月幸靈州又幸漢故甘泉宮詔曰匈奴僭稱驕

子分天御於紫宸仰應髦頭抗大禮於皇極射鵬馳
騎函飲灞川如矢騰氛頻驚渭汭朕曩命偏師遂擒
頡利今弘廟略已滅延隨雖則麾駕出征未踰郊甸
前驅所繡纜掩塞垣長策風行已振金微之表揚威
電發遠讐沙塲之外遂使鴈山之北無復單于龍城
之南大開封域契苾等委身內屬朕當誓幸靈州親
撫歸附弘茲肆赦加以施生頒惠天隅曜威靈朔收
其澣海盡入提封解其辮髮並垂冠帶上變星昴歸
於東井之躔下掩躑林祛入南山之囿混元以降殊
未前聞卽宜備禮告于清廟仍以大慶頒示普天

唐凌烟閣賦詩

魏證傳帝思證不已登凌烟閣觀畫象賦詩

初學記太宗詠司馬彪續漢志詩云談叢引泉祕

唐宴羣臣詩

太宗春日元武門宴羣臣詩有駐輦華林高宴栢梁之句

九夷蓮瑤席五狄列瓊筵娛賓歌湛露廣樂奏

鈞天

又正月臨朝詩魏證顏師古岑文本李百藥

楊師道皆和

初學記

顏師古聖德頌黃竹麗章栢

梁清引沈鬱澹雅疏通敏迅

唐御雪詩

顯慶三年十月八日呂才以御製雪詩爲白雪歌

詳

見琴類

帝亦製歌詞十六皆著樂府 麟德二年封

禪十一月丁酉至平陰頓是日降雪帝賦詩

唐校獵賦詩

顯慶五年三月幸并州童子寺賦詩而還十二月辛未校獵於長社之安樂川丙子召侍臣蕃客夜宴帝賦詩以紀講習之事

唐冬狩詩

會要龍朔元年十月五日狩于陸渾

一云南山

上製冬狩

詩示羣臣

初學記 太宗有出獵詩冬狩詩

唐咸亨樂章

見樂舞

唐喜雪詩

太宗望雪詩素雪凝曉華 元宗御製喜雪詩爲知
勤恤意先此示年豐 又溫湯對雪詩 校獵義成
喜逢天雪題九韻示羣官 又喜雪詩云朝如玉已
會庭似月猶明 同劉冕喜雨詩繁雲先合寸膏雨
自依旬 又製瑞雲篇 張說和云含花雪告豐遙
知百神喜灑露待行官欲驗豐年象飄飄仙藻來 官
似瑤林庭如月華 張九齡和云草木綠早榮京抵

宛先積

瑞雪篇雜言

又和喜雨四言云人和年豐皇

心則怡又觀御製喜雪篇曰食者萬姓之命雪爲五
穀之精兆且見於祈年律旣和於言志豈比周歌黃
竹漢詠白雲 開元八年親製春雪詩春臺望一章
二十八句起居舍人蔡孚奏所製氣雄詞美德音相
屬請示百寮編國史十四年十月幸汝州至温湯之
行宮親賦雨雪詩示羣臣

唐元宗和偃松篇

贈賀知章詩

開元初蔡孚賦東都龍興觀偃松篇元宗賜和御書
刻石紀之公卿以下咸和 舊紀天寶二年十二月

太子賓客賀知章還鄉三載正月庚子遣左右相以
下祖別於長樂坡上賦詩贈之集賢記去上親製詩
序百司餞送賦詩序
別

唐開元賜刺史詩

許景先傳開元十三年二月帝自擇刺史景先由吏
部侍郎爲刺史治號大理卿源光裕鄭州兵部侍郎
寇泚宋州禮部侍郎鄭溫琦邠州大理少卿袁仁敬
杭州鴻臚少卿崔志廉襄州衛尉少卿李昇期刑州
太僕少卿鄭放定州國子司業蔣挺湖州左衛將軍
裴觀滄州衛率崔誠遂州凡十一人詔宰相諸王御

史以上祖道洛濱盛具奏太常樂帛舫水嬉命高力

士賜詩十韻帝親書且給筆紙令自賦賚絹三千遣

之見張說集云賜刺史以賜詩云視人當如子愛

人亦如傷講學試誦論阡陌勸耕桑虛譽不可飾清

知不可忘求名迹易見安真德自彰獄訟必以情教

民貴有常恤憚且存老撫弱復綏強勉哉各祗命知

予眷萬方詳見戒吏類裴寬授太原尹元宗賜詩

褒餞張暉還鄉帝賜詩及錦袍繒絲蕭嵩領朔

方節度賦詩勞行張嘉正爲定州刺史及行帝賦

詩詔百官祖道上東門御製賜崔日知往潞州詩

揚風非贈扇易俗是張琴 錢玉駿巡邊金壇申將禮

玉節授軍符風揚旌旆遠雨洗甲兵初 送宇文融

安輯戶口 送張說巡邊命將綏邊服雄圖出廟堂

三台入武帳八座起文昌 賈曾序云天章武別御札

題戲副衣勉快續之誠兼壺喻投醪之旨

宋璟和

云聖酒山河潤天詞象緯明德風邊地偃勝氣朔雲

平 見張說集 又漕橋東送新除岳牧賦詩 送李

邕之滑臺十道采訪使朝隍使詩 開元十年司馬

承正還天台山上賦詩以書之張柬之還襄州中宗

賦詩祖道

昔周使臣則有皇華之詩歌馳驅咨諏之事使有光乎原隰遣諸侯於廟則有臣工之詩歷道保介新畬之意使無緩乎民事

賜刺史詩引證

唐宴諸王賦詩 武成殿賦詩

開元十四年十一月己丑幸寧王憲宅與諸王宴探韻賦詩詩曰魯衛情先重而終勉以爲善之樂卽日還宮 十五年五月丁丑端午宴羣臣于武成殿有忠正貽後昆之句各賜衣一副自賦詩六月朔方節度兵書蕭嵩赴朔方軍命有司於定鼎門外供帳置酒送之帝賦詩以寵之十二月幸溫泉宮登驪山石

夔寺賦詩俾羣臣和

唐東堂賜三傑詩

宋璟傳開元十七年

舊史八月乙酉

爲右丞相與左丞相張

說太子少傅源乾曜同日拜有詔太官設饌太常奏

樂會百官尚書省東堂帝賦三傑詩自寫以賜張

說傳上日敕所司供帳設樂內出醪饌帝爲賦詩詩

曰赤帝收三傑黃軒舉二臣

云云

樂聚南宮宴觴連

北斗醇說和詩曰菊花吹御酒蘭葉捧天詞璟

和詩曰聖酒山河潤仙文象緯舒乾曜和曰鼓鐘

崇享禮鵷鷺集朝倫蘇晉序曰咨日于朔擇時于

秋對命天庭受職公府工備值饗獻蒸六卿拜下以
成儀三事自天而來賀秩秩賓序暉暉旅醴玉緯垂
文金漿降醴方將一心天工勗力帝載受命在宴乃
賡載歌蕭蒿裴光廷宇文融亦有和詩融詩曰
飛文瑤札降賜酒玉盃傳高詩曰入朝師百辟論
道助三光又御製同二相已下羣官宴樂遊園詩
萬方朝玉帛千品會簪裾說璟皆有詩御春明
樓臨右相園亭賦樂賢詩王維集

唐花萼樓賦詩

唐紀開元十八年八月丁亥上御花萼樓以千秋節

百官獻賀賜四品已上金鏡珠囊上賦八韻詩又制

秋景詩 詩云獻遺成新俗朝儀入舊章月銜花綵

鏡露綴綵絲囊 又有賜羣臣鏡詩 突厥傳天寶

四載毗伽可汗妻骨咄祿婁荀可敦率眾自歸天子

御花萼樓宴羣臣賦詩羨其事 舊紀元年九月辛卯

御樓出官女宴可汗妻及男女等 通鑑九月辛亥

唐賜集賢學士詩 宴麗正學士詩

御製送張說集賢上學士詩廣學開書殿崇儒引席

張九齡為賜燕序曰

食以樂脩人思德飽 說至韋述十五人賦詩 李

元紘詩云饌玉還丹禁牋花降紫墀 開元十三年

乙丑二月二十七日宴兩相禮官麗正學士御製詩

唐興慶宮賦詩

諸王傳天子於宮西南置花萼勤政樓帝時時登之
或幸第賦詩 御製遊興慶宮作詩 登勤政花萼

樓觀風俗而勸人崇友于而厚睦 從來崇棣萼今

此茂荆枝務本方崇訓相輝保羽儀所希覃率土孝

悌一同規 又過寧王宅詩戚里申高宴平臺奏雅

歌 又過山池詩 春中興慶宮醜宴詩夏首花萼

樓賞樂賦詩端午三殿宴羣臣詩 見張說集 帝幸

去嘉清庚戌年補 每卷三十九

薛王業第置酒賦詩開元八年卒業第置酒燕樂帝賦詩有常棣鷓原之句龍池篇張九齡和

唐飲至賦詩

張守珪傳斬契丹酋屈利及突于傳首東都二十三

年春二月入見天子請東都會籍田畢即酺宴爲守珪

飲至帝賦詩寵之元宗有平胡二章登封禮畢

洛城酺宴詩張九齡和

唐開元鼎實酒醴詩

集賢注記開元二十五年宰相上禮獻壽上御花萼

樓設宴製鼎實酒醴二章之詩以相勸誠各賜宰相

五百匹兼銀器等

中其書目明皇詩一卷凡五十

七首

唐賜太子仁孝詩

肅宗爲太子天寶八載九月甲午太子生日

肅宗九月三日

生帝製仁孝詩六章札於步障以賜太子令高力士

以示朝臣宰相奏曰宸章煥發睿札凝暉垂日月而

齊光自雲霄而下濟爰於誕育之日勉以仁孝之經

上揚祖宗之美傍考天人之際發揮前古垂範將來

凡在衣冠之流咸知父子之道豈比周稱嗣續造齒

胄於上庠漢寵元良但招賢於望苑望寫六章頒示

中外編諸簡策詔從之自家刑國以訓人論

唐朝元閣賦詩

席豫傳元宗嘗登朝元閣賦詩羣臣屬和豫詩最工

或云天寶四年幸溫泉官云云天寶十載十月乙丑御朝元閣有

慶雲見上賦詩羣臣畢和

唐勤政樓賦

天寶十四載三月景寅燕羣臣勤政樓上賦詩數相
梁體羣臣畢和

唐謁老子廟詩

宋朝景德四年二月甲戌謁上清宮宮在洛城北

唐開元中老子祠也

明皇謁廟詩石存焉 元宗登

太行山中言志途次舊居過晉陽官渡蒲關經華嶽
潼關過王濬墓經河上公廟次陝州成臯經鄒魯祭
孔子遊溫泉皆有詩

見張說集

唐餞李光弼詩

乾元二年八月光弼出統河南諸軍於內殿宴送御
製詩寵之 李光弼傳拜河南副元帥鎮泗州帝爲

賦詩以餞

羣臣畢和

張仁愿傳景龍二年秋督軍

備邊帝爲賦詩祖道

舊紀三年八月乙未送於通化

門外帝製序賦詩

唐玉靈芝詩

會要上元二年七月甲辰延英殿御座生玉靈芝一
莖二花親製玉靈芝詩三章章八句曰玉殿肅肅靈
芝煌煌重英發秀連葉分房宗廟之福垂其景光元
氣產之明神合德紫微間采白薜呈色載啓瑞圖庶
符皇極天心有眷王道惟直幸生芳本當我辰旒放
此靈質賁其王猷神惟不愛道亦無求端拱思惟永
荷天休

唐中和節詩

鄴侯家傳夜夢見賜御製中和節詩於金花牋上第

二對首忘一字云茲中和節式慶天地春及中和日
百寮會曲江亭賜御製詩曰肇茲中和節云云其金
花綫上花雲皆夢所見者奉詔同用春字

唐麟德殿賜詩

正元四年三月甲寅宴百寮於麟德殿設九部樂及
內出舞馬帝製序及詩以賜群臣於是給御筆仍命
屬和十年九月十日戊子以重陽賜百僚追賞帝賦
詩以賜十一年九月癸卯舊紀已卯賜中書門下及兩省

供奉官宴於曲江帝作詩六韻賜百僚百僚畢和辛
亥退朝召百僚詣延英令中使喻曰屬和雅麗十三

年九月辛卯重陽賜宴曲江賜詩十七年二月癸巳朔賜宴曲江賜詩六韻九月戊辰重陽亦如之十八年九月癸亥重陽御製豐年多慶九日示懷詩賜群臣
舊紀賜羣臣宴馬璘山池賜詩六韻

唐正元宴曲江詩 中和節詩

劉太真傳德宗以天下平正元四年九月癸丑宴群臣曲江自爲詩 製詩序 勅宰相擇文人賡和李泌等

請群臣皆和帝自第之以太真李紆等四人爲上鮑

防于邵

一作于頔

等四人次之張濛等二十三人

一云二十二人

爲下與擇者四十一人惟泌李晟馬燧三宰相無所

差次 **會要**時重陽節帝賦詩云時此萬機暇適與

佳節并朝野慶年豐高會多歡聲勅應制同用清字

詩凡六韻

舊紀同詔簡文士三五十人應制同用

清字明日於延英門進又有重陽言志及豐年多慶

詩權德輿和云天文

麗慶霄墨妙驚飛鸞

六年二月戊辰朔百寮會宴

於曲江亭上賦中和節羣臣賜宴詩七韻是日百寮

進兆人本業三卷司農獻黍粟各一斗三月庚子百

寮宴於曲江亭上賦上巳詩一篇賜之 十七年二

月癸巳朔賜宴曲江亭上賦中和節賜宴詩六韻

類要德宗以中和節宴百寮詩賜戴容州叔倫

傳云

德宗嘗賦中和節詩遣使者寵賜

舊紀正元十一

年九月巳卯賜宴曲江賦詩六韻賜之 十三年九月辛卯又賜詩十七年九月戊辰賜詩六韻

唐黃菊歌

韋綬傳九月九日帝爲黃菊歌顧左右曰安可不示
韋綬卽遣使持往綬遽奉和 元宗端午日自賦詩

唐章敬寺賦詩

正元七年七月癸酉中元日幸章敬寺賦詩九韻有
松院靜苔色竹房深磬聲之句皇太子進和兼題于
壁百寮畢和後京尹薛珏請以上詩序皇太子書刻
于石而填以金從之 舊紀皇太子與羣臣畢和題之

寺壁

唐賜張建封詩

會要正元十三年徐州節度使張建封來朝

舊紀十月丁丑

來朝及命歸鎮上御製詩以賜之云牧守寄所重才賢

生爲時宣風自淮甸授鉞膺藩維入覲展遐戀臨軒
慰來思忠誠在方寸感激陳情辭報國爾所尚恤人
余是資勿以千里遙而云無已知

張建封傳其還

鎮帝賦詩以餞于時馬燧渾瑊劉元佐李抱真等勳
寵卓越未有以詩餞者建封又賦詩以自警勵
十三年來朝召見延英殿建封賦朝天行以獻帝眷異

賜名馬珍具

一本云賦朝天獻壽詩

唐中春麟德殿觀新樂詩

正元十四年二月戊午上製中春麟德殿會百寮觀

新樂詩一章十六句

舊紀云宴羣臣詩人韻

令太子書示百官

序曰朕以中春之首紀爲令節聽政之暇韻於歌詩象中和之容作中和之舞聊復成篇詩曰芳歲肇佳節物華當仲春前庭列鍾鼓廣殿延羣臣八卦隨舞意五音轉曲新顧非咸池奏庶叶南風薰中書門下謝賜詩請頒示天下編入樂府

金石錄德宗撰麟

德殿宴羣臣詩皇太子誦行書正元四年六月

唐紫宸殿觀仗詩

見元會類

憲宗

舊紀

正元九年正月庚辰朔

唐喜雨詩

會要開成元年三月庚申幸龍首池甘澤屢降賦暮春喜雨詩曰郊坰旣沾足黍稷有豐期百官屬和

唐賜王起詩

詩笏

賜裴度詩

王起傳加皇太子侍讀文宗題詩太子笏以賜詔盡象便殿裴度傳開成三年上巳宴群臣曲江度不

赴帝賜詩曰注想待元老

文宗賜裴度詩御札曰

朕詩集中要有卿唱和詩

開成四年三月乙酉上

已賜百寮宴曲江命內官以詩宣賜度

唐夏日聯句

開成三年文宗夏日與學士聯句帝曰人皆苦炎熱
我愛夏日長柳公權曰薰風自南來殿閣生微涼時
五學士屬和帝獨謂公權詞清意足

唐太液亭賜詩

宣帝好儒術或宰臣出鎮即賦詩贈之詞皆清麗大
中九年秋七月甲午舊紀八月崔鉉由左僕射爲淮南節
度帝餞太液亭賜詩有七載秉鈞調四序之句儒

者榮之

舊史

玉海卷第二十九

玉海卷第三十

浚儀王應麟伯厚甫

聖文

御製詩歌

太平興國賜進士詩

雍熙

淳化賜進士

詩箴儒行篇

興國二年正月八日己巳宴新進士呂蒙正等於開寶寺賜御製詩二首以寵之故事救下之日醲錢於曲江爲聞喜之飲近世多於石園佛廟至是官爲供帳八年四月辛卯朔賜宴瓊林苑爲定制 雍熙

二年三月戊寅

日

賜新進士梁顥等御製詩二章

端拱二年三月二十五日賜新進士陳堯叟等御製

箴一首

淳化三年三月癸卯

日

賜新進士孫何等

御製箴一首巳酉賜儒行篇各一軸令至治所著於

壁以代座右之誠丙辰宴瓊林苑御製詩三首賜之

興國三年賜進士馮拯詩

當考

郭贄傳太宗在晉邸時凡製篇詠多令繼屬真宗嘗

訪其賜本贄集爲四卷以獻詔獎之

呂文仲傳咸

平三年受詔集太宗歌詩爲三十卷詔嘉獎

楊徽

之傳興國初代還太宗素聞有名盡索所著以數百

篇奏御且獻詩稱謝太宗覽之太稱賞和以賜之自是聖製篇什多以別本爲賜 扈蒙傳太平興國九年將東封進宣示內外御札草上嘉其文御批紙尾以獎之明年春侍宴後苑近臣應制賦詩蒙詩末句云微臣自愧頭如雪亦聽鈞天侍玉皇上曰善因事陳情翌日和以賜之有珍重老臣之語 時爲翰林承旨

太平興國御製獵詩 習射賜詩 咸平

大閱詩

二月九月丙辰

二十

校獵近郊

長編云土始狩于近郊

丁巳御

製獵詩二章賜羣臣屬和九年三月壬申

卽雍熙元年

幸舍

芳園習射宰臣宋琪贊頌神武與李昉呂蒙正李至
等各賦詩進上和賜之 咸平二年八月丙寅大閱
東武村丁卯賜近臣飲于中書作大閱五言詩

太平興國聞捷奏詩 平晉賦 詩記

四年征河東二月巳卯始次欒城則有詩四月癸亥
進次天威則有早行詩甲子次新興有書懷等三詩
丙寅次側石頓有聞捷奏蕩平隆州詩皆賜從官和
五月壬午幸城南自草賜劉繼元詔巳丑製平晉賦
賜從官令繼作又製平晉五七言詩各一首俾屬和
丁酉製平晉記辛丑發晉陽有凱旋之賦癸卯回鑾

又有書懷之詩皆令從臣繼和

太平興國新茶詩

四年六月戊午賜從官新茶御製新茶詩詔屬和庚申車駕北征范陽辛酉次定州御製悲陷蕃民并值雨詩二首賜從官俾屬和五年三月戊子會鞠於大明殿上獲多算己丑御製擊毬五七言詩各一首詔近臣屬和辛卯御製擊毬詩賜近臣屬和八年九月戊午製晚秋五七言詩二首賜近臣九年八月壬午製四成字四高字詩各一首賜近臣令屬和

太平興國喜春雨詩

五年三月丙申御製喜春雨詩一首賜近臣俾屬和

太平興國太名凱旋詩

五年十月契丹主親領兵數萬犯雄州乘虛遂至高陽關十一月己酉詔巡北邊壬子發京師戊午次大名雄州言契丹遁去車駕卽凱旋上作詩示羣臣有一箭未施戎馬遁六軍空恨陣雲高之句 實錄云興國五年太宗親征北虜師還帝作詩有鑿輿臨紫塞朔野陣雲飛之句何蒙采二句爲詩賦以獻

太平興國賜趙普詩

八年十一月丁卯宴餞趙普於長春殿上賦詩賜普

昔以昭文相節度鄧州上不欲煩以樞務擇善地
俾之臥理因詩什以導意普曰當刻於石上謂近臣
曰君臣之際亦盡善矣 詔齋御詩名陳搏赴闕

太平興國平河歌

九年三月壬子以河決將塞命學士宋白乘傳祭白
馬津沈太牢加璧已未滑州言河決已塞羣臣稱賀
先是河決韓村數州罹災發卒五萬以步軍師田重
進督其役劉吉副之吉親負土與彼徒晨夜兼作至
是而塞上製平河歌賜宰臣宋琪等因謂曰昔漢武
有瓠子之歌今朕聊志一時之事

實錄

壬申幸合

芳園習射又製晚春遊含芳園五言十韻詩一首賜
宋琪等乙卯召宰臣近臣宴後苑上賦詩一章賜侍
臣俾屬和

雍熙賞花賜詩

淳化

雍熙元年三月乙丑召宰相近臣賞花後苑上曰朕
以天下之樂爲樂且令侍從詞臣各賦詩

賞花賦詩

自此始

三年三月癸酉

日

命宰臣李昉等就第爲

觀花賦詩之會酒酣各賦奉詔賞花詩帝亦作詩賜
之翌日學士扈蒙等詣垂拱殿門謝九月甲戌重陽
詔昉等爲登高會又賜詩二首四年三月巳卯

十七日

賞花宴于後苑上臨池垂釣令侍臣賦賞花釣魚詩
應制者凡二十有六人俄出五言御詩一章賜宰臣
李昉等晚御水心殿習射翌日庚辰上依韻和宰臣
及知制誥而上十三人所進詩以賜又令和所進應
制詩以獻九月起居舍人田錫獻乾明節祝壽詩二
十韻上謂宰相曰錫言事可稱賞因和以賜之丁丑
以爲知制誥淳化元年二月己未十三日詔近臣後苑
宴射賦詩上亦賦一章賜宰相呂蒙正等三年三月
二十二日又見後幸金明池宴後臣瓊林苑作遊瓊

林苑詩賜近臣五年三月戊午六日召近臣賞花宴後

苑上臨池釣魚命羣臣賦詩時應制三十九人上亦賦詩以賜宰相呂蒙正等因習射上中的者六張樂飲酒詔羣臣盡醉八月戊子社詔近臣宴于中書御製詩賜之至道元年九月壬子重陽賜近臣於中書宴飲以御詩賜之

雍熙賜近臣歌詩

元年十一月甲子上齋宿正殿乙丑宿太廟上以天氣晴和作歌詩賜近臣令屬和丙寅親享五室出宿于齋官丁卯日南至親祀南郊御乾元門大赦改元二年正月己未上元御乾元門樓觀燈夜漏初上密

雪忽降上謂宰相曰可各賦觀燈夜瑞雪滿皇州詩
以爲娛樂上賦詩示羣臣宰相宋琪等咸奉和三年
十月庚戌賜宰相以下宴於樞使王顯第賜李昉御
製雜言一篇四年十二月己亥以御製自勉五七言
詩六首雜言詩一首賜近臣 三年六月戊戌朔上
以諸將違詔失律作自勉詩賜宰相李昉樞使王顯
等 淳化五年五月庚辰司空致仕李昉獻詩陳情
敘感上和以賜之仍別賜昉詩一首

雍熙宴羣臣詩

元年十二月二十二日丁酉郊祀畢賜宰相臣文武等

宴于尚書省帝作詩二首以賜其日晚又宣旨曰今日卿等宴會恐未盡歡可更賜來日宴樂羣臣獻歌詩賦頌者數十人並付史館

於是飲三日

實錄十

二月甲午召近臣宴後苑丙申大酺丁酉賜文武常參官詣尚書省宴飲上賜詩二首二年四月丙申上幸金明池因幸瓊林苑習射上爲歌詩賜羣臣九月庚戌重陽節賜近臣宴於李昉第御製七言二韻詩一首賜之十月乙卯賜近臣宴於樞使王顯第賜御製詩一首

雍熙南至賜詩

二年十一月壬申日南至羣臣詣閣拜表稱賀以御製詩二首賜宰臣宋琪等三年二月丙辰寒食上製詩賜宰相李昉等

雍熙雪詩 端拱瑞雪歌 淳化雪詩

南郊詩

雍熙二年十一月戊子以時雪未降命羣臣分禱京師祠廟是日雨雪上悅製詩二首賜宰相等令屬和三年十一月戊寅日南至御製七言冬至詩一首賜宰相李昉等令屬和丙戌幸建隆觀相國寺祈雪十二月乙未朔大雨雪上大悅其晚御玉華殿宴宰相

近臣謂曰得此嘉瑞思卿等同醉出御製雪詩一

首令屬和四年正月乙丑製歲日詩一首賜昉等二

月戊午製中春遣懷詩二首賜近臣屬和四月丙申

以光州所進綠毛龜示近臣仍御製七言詩賜昉等

七月乙丑御製早秋詩二首立秋日暮雨詩一首賜

近臣丙子中元製五言十韻觀燈詩賜宰相等八月

辛卯朔兵部郎中楊徽之進雍熙祠五言六韻凡十

章上覽而嘉賞依韻和以賜之甲辰御製春夏秋冬

松風雪月烟花詩共五十首賜昉等又製中秋翫月

詩二章歌一首賜宰相九月辛酉朔濰州進嘉禾製

嘉禾合穗五七言詩二首賜昉等乙丑製五七言六
韻菊詩合一首賜近臣辛未翰學蘇易簡進乾明節
步虛詞二十章上依韻和以賜十月丙申乾明節羣
臣止壽巳亥賜宰相及近臣御製苑中見羣鶴飛七
言詩一首令屬和五年正月庚申御製喜雪五言二
十韻詩賜宰相昉等令屬和乙丑以宋鑄爲直史館
進賀雪詩稱旨故也是年改端拱 端拱元年王禹
偁名赴相府御筆命試詔臣僚和御製雪詩序正月
丙寅以爲直史館 二年十二月丙辰九日大雪詔近
臣宴中書令各賦詩上製瑞雪歌賜之 淳化二年

月甲辰日南至製冬日詩賜近臣三年正月戊
戌製朝元及元日除夜詩各一首賜近臣屬和癸卯
大雨雪賜近臣於中書宴飲御製詩賜之三月戊戌
雨沾足直昭文館李宗諤獻詩三篇上於紙尾批御
詩一首賜之有傳家之子能文章之句戊申賜宰相

李昉詩一首庚申二十日宴射瓊林辛酉御製遊瓊林

苑詩賜近臣八月己卯上賦社日詩六首賜近臣三

年十二月丁卯八日大雪數年已來涉冬無雪至是降

及尺餘上喜賜近臣宴於中書詔令盡醉上賦詩親
以八分書遣中使就宴所賜之是日又詔秘書監李

至會三館學士宴於秘閣凡應制賦詩者二十五人
四年正月辛卯合祭圓丘癸巳上賦南郊宿齋五七
言詩六首賜近臣乙未大雨雪上作立春日瑞雪詩
三首賜近臣癸卯幸乾元樓宴作觀燈詩二首并序
賜近臣令屬和十一月甲寅朔日南至上壽丁巳賜
近臣宴於中書上賦詩賜之十二月庚子製立春歌
詩三首賜近臣五年正月甲寅朔上製元旦除夜詩
五言各二首賜近臣俾屬和翰學張洎上表解釋詩
意凡數千言甚稱旨上命宰相召至中書獎諭

雍熙賜近臣詩

見御書

端拱東郊籍田議

元年正月丙子賦東郊籍田五七言詩各一首賜侍
臣羣臣獻詩賦贊頌者五十三人 是月賜山南東
道節度使趙普御詩又召直史館魏庠已下於中書
賜御詩 上親耕籍田普上疏引姚崇十事以諫因
求來朝上允之禮畢冊拜太保昭文相

淳化喜雨時

淳化二年十二月癸未作喜雨詩賜近臣屬和 雍
熙四年四月殿中丞李度獻春雨詩上謂宰臣曰度

苦心於詩音可嘉。昨進賀雨詩。朕特與繼和。可召至中書宣示。端拱初度使交州。賜詩寵行。有奉使南遊多好景之句。夏侯嘉正上元獻五言十韻詩。土和之以戒其好進。有狹劣終難舉通才列上居之句。

淳化御製刑政稼穡詩 三禮書詩

見御書

三年四月壬午御製刑政稼穡詩一首。賜近臣宰相李昉等表謝。癸未上親真草行小草四體書。刑政稼穡詩各一首以示近臣。

淳化祕閣宴賜詩

三年五月增修祕閣。八月成。戊辰賜宰臣李昉已下

及三館宴賜詩羨之

淳化賜詩 四體書

五年十一月丁巳上賦詩一首示翰林學士張洎錢
若水洎因揣摩上意上疏稱述凡數千言上覽而善
之召宰相等賜坐於崇政殿而廡謂曰洎所上表深
諭朕意足以戒躁競之輩殄澆薄之風矣令付史館
許衆人就觀因歎薄俗良久出別賜張洎詩一首
云作七言詩示學士以戒躁競之上末章有純直之
訓張洎上表謝上曰洎深諭朕意宜付史館以塞查
競之源又別賜洎詩一首又出四體書前所賦詩一幅草書者尤
絕妙蘇易簡頓首告上乞之呂蒙正亦欲得焉易簡

前奏曰臣先請蒙正已不及矣上笑而賜之

至道賞花賜詩

元年三月十六日壬戌後苑賞花特召司空李昉坐於尚書之上帝臨池釣魚賦詩一章賜宰相蒙正等群臣應制者五十五人上作釣魚詩斷章意以屬呂端後數日爲相在四月九月九日賜近臣宴於中書

御製詩賜之上又賜王禹偁詩一軸至和二年十

二月巳亥其孫延巳上之詔賜錢萬以御詩還其家

太宗妙覺集歌詩

祥符九年正月庚午譯經潤文官兵部侍郎趙安仁

錄太宗妙覺集歌詩爲二卷請以妙覺秘詮爲名又錄聖製法音集論頌贊詩爲三卷請以法音精要爲名摹印放行祥符二年十月癸巳對輔臣于崇政殿西廡內出太宗聖製詩御書故事皆有鑒戒示王旦等曰此先帝朱才人所藏近者上進

咸平南郊詩

二年八月戊午社宴近臣于中書作社日五言詩賜之屬和十一年丁亥八日南郊禮成宴近臣李沆第作親祀南郊五言詩賜之屬和五年十月癸卯賜近臣宴作南郊五言詩賜之舜歌救命周頌告成

咸平賜宴賞花詩

二年八月壬子侍讀學士楊徽之等赴職賜宴秘閣
上作七言詩賜之九月戊子作重陽七言詩近臣屬
和三年二月丙子廿九日賞花宴于後苑作仲春賞花
釣魚七言詩羣臣皆賦遂射于水殿四年三月己丑
後苑曲宴作五言四韻詩命儒臣賦八月戊辰社宴
近臣于中書兩制館閣于崇文院作七言詩賜之繼
和九月丁丑重陽宴近臣于呂蒙正第作五七言詩
咸令繼和

咸平喜聞捷奏詩
景德北征回鑾詩

咸平二年十二月辛亥詔巡邊

九月契丹入寇

甲寅發京師

戊午次澶州甲子次大名府以軍衛列爲行陳上躬

御鎧甲于中軍諸樞密介胄以從命王顯宋湜分押

後陳橫亘數十里部伍嚴整丙子詔百官言邊事三

年正月丁亥

十九日

范廷召大破契丹於莫州東斬首

萬餘級餘寇遁逃庚寅奏至百官稱賀

御六師幸澶魏天聲一振

虜騎四逃辛卯宴從臣于行官癸巳作喜聞捷奏五七言

詩二首題行宮之壁命近臣館閣屬和甲午發大名

府庚子車駕至京師景德元年九月契丹寇定州王

師拒於唐河丁酉上召輔臣議親征十一月戊辰以

李繼隆石保吉爲排陣使庚午車駕北巡癸酉駐韋
城甲戌寒甚却貂裘而不御契丹率衆至澶淵犯前
軍西陣有戎帥黑旗幟出大陣前伏弩殪之即撻覽
也丙子次澶淵步輦渡河戊寅御北城行宮曹利用
使契丹還十二月庚辰契丹使韓杞請盟乙酉御行
營南樓觀大河宴從臣丙戌遣李繼昌使契丹戊子
燕從臣于行宮上作北征迴鑾詩

詩曰銳旅懷忠節

羣胡竄北荒堅冰銷巨浪輕吹集佳祥繼好安邊境

和同樂小康

命近臣和甲午駕發澶淵戊戌還京

仁宗慶曆八年三月甲寅幸龍圖天章閣觀眞宗幸

澶州詩碑文至和二年三月丙戌詔澶淵御製親書
回鑿詩存于州廡其令刻石藏之

帝于出征祥風挾

棘一鏃星流羣狄无奔

嘉祐二年二月戊申命宰

臣彥博篆書澶州信武殿真宗御詩碑額

咸平景德祥符賜進士及知貢舉詩

又見後

咸平三年四月己巳賜進士陳堯咨等宴瓊林苑作

五七言詩二首賜之

自後每放榜即賜詩

六月庚戌

賜進士齊革等詩景德二年二月庚子作詩賜知貢

舉趙安仁等有風夜惟公精攷藝之語四月辛卯宴

進上李迪等于瓊林苑賜五言詩六月甲申賜范昭

河北進士

等七言詩祥符元年正月丙寅賜進士七

言詩二年七月甲子賜梁固等五言六韻四年十一

月丙申賜張師德七言詩在韻時學士楊億

五年四

月乙巳賜徐奭等五言詩並宴瓊林年十月甲

子賜張觀等七言詩八年四月庚申賜蔡齊齊年十月甲

言詩

咸平景德賜種放詩

咸平五年九月戊申終南種放入見崇政殿授左司

諫癸丑復召見賜五品服賜五言詩乙卯賜第一區

六年三月請歸丙午授起居舍人戊申宴餞龍圖閣

癸丑又詔館閣餞於瓊林苑賜七言二韻詩二章群
臣皆賦景德二年五月二十日丁卯放賜告遊嵩山
宴群臣資政殿餞之賜放七言詩令屬和從臣皆賦
復賜會于祕閣王欽若之直廬三年四月二十四日
乙未放歸終南山召放及講讀待制宴龍圖閣作詩
賜之翌日賜宴祕閣祥符二年四月壬辰吐放以集
賢院學士歸終南宴餞龍圖閣賜七言詩命學士即
席賦詩作序令杜鎬援引名臣歸山故事翌日內官
羣臣詩序示宰臣以晁迥詩楊億王曾序爲優因繕
寫賜放特論榮之杜鎬誦北山移文以規放三年

正月甲戌作歌一首賜放曰知卿素尚遂卿懷或有忠規遠相寄四年四月己未宴近臣龍閣上作送放歸舊山五七言詩預宴者皆賦咸平六年十月三日己未對輔臣龍圖閣觀種放山居圖放別業在終南林泉幽勝帝命畫工圖之

郭贊傳拜翰林侍讀學士作七言詩賜之有啓發冲罕曉典常之句杜鎬傳祥符三年遷龍圖學士赴

上日錫宴秘閣上作七言詩賜之周起傳知開封府真宗幸府留燕射堂賦詩命起書以刻石起請曰陛下昔龍潛於此其正寢恭墜下所宜處請避居西

庶詔可因名爲繼照堂

薛映傳知河南府祀汾陰

還駐蹕以映有治狀賜御詩嘉獎

咸平景德祥符瑞雪詩

咸平四年十一月丁亥作雪詩一首示呂蒙正等命

卽席賦五年十二月乙丑大雪上作七言詩賜近臣

和景德二年十二月十六日庚寅雪命資政大學士

王欽若宴館閣羣臣帝作七言雪詩令屬和三年十

一月癸亥日南至大雨雪甲子宴近臣作雪詩賜之

命與館閣官皆和四年十一月辛巳十八雪宴近臣

于中書館閣于崇文院帝作瑞雪五言詩令館閣卽

席和進兩制次日來上祥符三年十一月壬子雪上
作七言詩賜近臣屬和巳丑大雪賜輔臣飲于中書
上作再降瑞雪七言詩賜之令繼和四年十二月丁
未大雪宴近臣上作瑞雪詩賜之八年十一月甲子
作瑞雪歌

慶曆六年 世續以真宗
喜雪詩石草本來上

景德元日會朝詩

景德四年正月乙亥朔朝元殿受朝上作元日會朝
詩七言

景德御宴賜詩

龍圖閣賦詩 龍圖閣贊

四年二月七日巳曲宴後苑初臨水閣垂釣又登太

清樓觀太宗御書及新寫四部羣書又至景德殿放生池東至玉宸殿歷翔鸞儀鳳二閣命座置酒帝作五言詩從官皆賦遂宴太清樓下是月十六日甲寅大宴崇德殿中飲召近臣宴于後苑賞花釣魚帝作千葉牡丹詩從官畢賦召大理評事宋綬邵煥預焉二年四月二十一日戊戌幸龍圖閣近臣畢從又召直昭文館种放預焉閱太宗御書又觀諸閣書畫宴于崇和殿帝作五言詩從臣皆賦命李宗諤楊億作序庚子又作齎以賜輔臣

景德賜邢昺時

四年九月七日庚午宴近臣於龍圖閣之崇和殿餞侍講學士邢昺赴曹州刑部尚書溫仲舒宋白侍郎郭贄預焉昺視壁掛尚書禮記圖指中庸篇凡爲天下國家有九經事因講大義皆有倫理在位聳聽上嘉納之羣臣皆呼萬歲卽席賜詩二首以寵其行命羣臣咸賦及行又令近臣祖送會於宜春苑十一月甲戌宴學士郭贄于祕閣上作七言詩賜之

祥符賞花詩

祥符元年三月九日庚午召近臣宴後苑帝作賞花七言詩 三年閏二月二十七日丁丑召輔臣至宣

聖殿朝拜太宗聖容帝作賞景觀花詩以賜從官卽
席賦詩又御水心殿垂釣遂宴金華殿小苑花皆太
宗命中黃門所植滋茂異常輔臣所未至也 辛未遂

晏近臣于後苑上作賞花七言詩侍臣皆賦命宋綬
晏殊邵煥作序

四年三月八日辛巳車駕駐西京
命從臣射于後苑淑景亭移宴長春殿帝作賞花開
宴詩五年三月二十日丁亥召近臣賞花後苑以兩
移御崇政殿南軒曲宴命賦詩有頃御北殿賜宴作
樂帝作賞花及喜雨詩二首羣臣卽席和進八年三
月丙申宴後苑上作賞花七言詩

祥符觀書開宴詩

三年正月二十八日戊寅召近臣觀龍圖閣太宗師
書及四部書籍又至閣西觀畫帝顧謂馬知節曰聞
卿別畫可盡評之知節以古今工拙對卽賜酒於閣
下帝作觀書開宴五言詩令卽席皆賦又至資政殿
觀天尊像記先是泰山有石像在岩崖間頗多頽缺
帝登封見之因別命修琢易舊像置內庭又出聖製
會真宮碑九天司命天尊殿銘泰山重修聖像記帝
復作觀新製太山銘記五言詩一章王旦等屬和四
年十月丙寅觀太宗聖製作詩

王海卷三十一
三〇十五
祥符幸射堂詩

三年閏二月丁卯幸開封府射堂又至西堂閱太宗御書圖畫遂射于射堂上作七言詩從臣畢賦戊辰樞臣王欽若上駕幸舊邸七言十韻詩上作歌以答仍詔褒之

祥符貴廩食吟 軫田夫吟 念農歌

三年三月丁酉謂宰臣王旦曰朕自北鄙和好邊陲無事然居安慮危未嘗敢自暇逸每爲文自警置諸座右朝夕觀之因出貴廩食吟軫田夫吟念農歌自戒箴守官箴以示之

祥符觀龍歌

三年五月二十八日召輔臣於崇政殿北廊觀中使任文慶於茅山郭真人池中所獲龍長二寸許極細鱗腹如玳瑁手中仰覆無懼帝作觀龍歌復送茅山池中

祥符御宴觀瑞物詩

三年八月八日甲寅詔近臣觀書于龍圖閣觀瑞物于崇和殿遂宴于崇和殿帝作七言詩侍臣卽席皆賦初觀瑞物史臣晁迥楊億曰此並聖朝受命之符不載於史冊望內降各件付史院從之庚申上作七

言詩賜永興軍王嗣宗

祥符御宴御製詩

三年九月一日丙子幸右承天祥符門觀上梁遂宴于崇政殿帝作五言詩近臣畢和賜從官襲衣金犀帶緡錢有差

祥符汾陰禮成詩 汾陰聖製歌詩 醮

宴詩 西祀還京歌

四年二月丙寅賜百官醮宴凡二日上作祀汾陰禮成詩就賜之

時在河
中府

丁卯上作五七言詩賜寧王元

偓庚午幸巨靈觀上作西岳真君贊華山仙掌七言

詩以示從臣名華山隱士鄭隱敷水隱士李寧對于
行宮上作詩以賜三月乙亥作駐蹕陝州五七言詩
壬午幸上清宮上作宮銘及七言詩示近臣癸未作
遊龍門詩己丑上作五言詩賜知河南薛映庚寅賜
酺宴於河南上作大酺七言詩二首庚子上作駐蹕
鄭州七言詩從臣畢和四月丁未作西祀還京歌有
寬簡育羣生虔恭居大寶之語賜近臣和庚戌三司
使丁謂等請以汾陰路聖製歌詩命大臣書立石詔
令知樞密陳堯叟書丙辰大宴含光殿上作慶成開
宴七言詩羣臣皆和八月庚戌以汾陰禮成曲宴宗

室輔臣於後苑又射于太清樓下上作七言詩九月
乙未賜醕宴百官於錫慶院宗室於相王宮上作大
醕五言詩賜羣臣和丙申又作大醕五言詩賜相王
元偃已下屬和 七年五月乙未作奉祀禮成述懷
五言百韻詩賜近臣館閣屬和

祥符喜雨述懷詩 甘澤應祈歌

四年三月庚辰上作喜雨述懷歌及駐蹕述懷詩六
首近臣畢和辛巳命從臣射于後苑淑景亭移宴長
春殿作賞花開宴詩 八年二月庚辰大雨上作甘
澤應祈歌賜近臣 九年八月甲寅又作甘雨應祈詩

祥符新集御製文頌歌詩 嘉穀詩 御

製文論歌詩 館閣聖製

四年九月丙子秘書監向敏中判昭文館晁迥等請
集聖製藏於館閣詔除已刻石銘記等勉依所奏其
餘雜文篇什或宣賜者並令依次抄錄藏於龍圖閣
三館祕閣不得與太宗文集並處五年四月癸卯以
新集御製文頌歌詩十五卷藏祕閣從敏中請也

實錄祥符六年七月己未召輔臣觀粟于後苑移御
山亭觀粉牌新書御製文論歌詩復閱御書及嘉禾
圖上作嘉穀詩賜輔臣 天禧四年十月戊午上御

龍圖閣召近臣觀圖籍御製文論歌詩丁謂等乞鏤板許之遂宴資政殿

祥符觀書詩

四年十月戊辰召修玉清宮使丁謂李宗諤觀內殿御書因命宴上作觀書詩賜謂等 十一月丁丑出占城國所獻師子命近臣視之上作七言詩預觀者咸賦又作長歌令近臣屬和

祥符元日詩

五年正月己巳朔上作元日五言詩賜近臣和癸未乾元樓觀燈作七言詩 六年正月癸巳朔御乾元

殿受朝上作元日五言詩賜近臣
天禧三年正月
已未朔作元日詩

祥符賜知貢舉詩

天禧附

五年正月癸酉命學士晁迥等知貢舉甲戌上作詩
賜晁迥等曰盛時選士貢闈開罄宇聞風獻藝來心
以權衡求實効勿令蓬華有遺才甲午又賜迥等手
詔 天禧三年正月丁卯命學士錢惟演等知舉翌
日賜御詩一章二月丁未又賜七言詩二首

祥符賜允寧詩 爲政歌

五年正月二十七日乙未帝作七言詩賜允寧等先

是允寧等誦易終篇習虞世南書有楷法帝說其向
學故賜詩獎焉九月癸巳賜楊億七言二韻詩有側
席待名賢之句十月辛亥作爲政歌賜輔臣

祥符宴射詩

五年四月五日壬寅幸金明池瓊林苑宴射帝作五
言詩七年八月八日辛酉幸瑞聖苑觀稼射于水心
殿帝作五言詩十月丙寅射太清樓下賜五言詩八
年四月甲寅幸瓊林宴射帝作七言詩九月九日幸
瓊林苑宴射作七言詩五月二日幸玉津園射作七
言詩三年四月辛未幸城南觀刈麥遂幸玉津園

宴射上作七言詩賜近臣和

祥符總龜詩

五年四月辛酉後苑池中獲綠毛龜上作七言詩近
臣和五月癸酉上以宗室所和綠毛龜詩示宰臣
七月癸巳玉清宮獲綠龜上作七言詩三年四月
甲戌宜聖殿池獲綠龜上作七言詩

祥符觀稼詩

五年五月癸未幸京城南觀刈麥種稻

三年四月移
辛未同

移

幸玉津園宴射上中的者十作觀稼七言詩賜近臣
屬和閏十月丙子出玉宸殿新稻賜輔臣并以聖製

七言詩示之六年四月丙戌幸玉津園作觀稼五言詩八年七月丙子幸瑞聖園觀稼作五言詩九年五月乙巳城南觀麥作七言詩

祥符金華殿種麥歌 蠶麥順成詩

五年五月戊子以苑中金華殿所種麥示輔臣復作歌以賜六月辛丑以諸王所和觀麥歌示羣臣七年五月庚戌上作蠶麥順成七言詩賜近臣

祥符瑞應詩

五年六月壬子玉清宮使丁謂言天書閣上有白雲五色作瑞應五言詩賜近臣屬和九月甲申大宴會

光殿日有赤黃珥直氣五色雲上作七言詩賜近臣
和十月庚申上作司命天尊降臨七言詩賜近臣和
鑿水之歌 交明之曲

祥符賜諸王詩

五年九月庚寅幸鄆堯王宮又宴相王元偓宮從臣
官僚畢預上作七言詩賜之元偓等奉觴上壽又射
于西南亭復幸元偓元儼官二鼓而罷議者謂唐興
慶花萼故事無得而比十月丁未上以宗室進和詩
示輔臣十二月庚寅內出御製皇姪允明詩集洎唱
和詩二序賜元偓手詔及詩共五卷示宰臣詔付祕

閣

祥符瑞石詩

贊

五年閏十月丁丑作舒州瑞石符應七言詩 謁謝
啓聖院太宗神御殿禮畢於龍圖閣取太平興國中
舒州所獲誌公石示輔臣上作詩又作贊名曰神告
帝統石

祥符神雀詩 甘露詩

五年十一月三日丙申恭謝玉皇於朝元殿禮畢帝
作朝玉皇觀二鶴神雀詩三首近臣畢和庚子作聖
祖降臨記 庚戌錢惟演言甘露降所居叢竹上作

五言詩賜之

祥符昭應宮賜宴詩

五言十一月庚申昭應宮使王旦赴上于本宮遂賜宴近臣畢預上作詩賜旦是日雪又作雪詩賜旦等祥符述古宣德殿詩

五年十二月十四日丁丑召近臣至龍圖閣閱書開宴觀新修述古宣德二殿又幸資政殿帝作七言詩命卽席皆賦

祥符奉先歌

見饗廟

祥符筆硯歌 連理木詩

六年正月乙巳上作筆硯歌羣臣屬和丁未作觀燈
五七言詩二月丁卯清心殿宜聖殿木連理上作七
言詩二首賜近臣癸酉作紙墨歌賜羣臣和庚辰作
寒食詩賜羣臣

祥符賞花釣魚詩

六年三月五日丙申賞花宴于後苑帝作賞花釣魚
七言詩從臣皆賦又名從臣令觀苑中連理槐屏風
連理栢遂射太清樓下丁酉上作連理槐栢詩三首
賜近臣屬和 六年三月甲午上巳宴羣臣上作七

言四韻詩賜近臣九年三月丁巳賞花後范作五言詩
祥符先天節上壽歌

六年六月壬午上作先天降聖節詔士庶贈遺許公
王上壽歌賜近臣

祥符繼照堂芝草歌

六年八月丙寅作繼照堂芝草歌賜近臣丙戌出御
製靜居集三卷并法寶錄序示王且七年六月己未
晁迥等請以御製靜居玉宸集等副本於祕閣奉藏
從之

祥符嘉雪詩

七年正月庚戌作嘉雪七言詩恭謁太清宮禮畢仰觀祥瑞歌賜輔臣辛亥作瑞應歌賜近臣

祥符賞花觀書詩

七年三月八日癸巳賞花宴于後苑登太清樓觀書射于樓下特召知雜御史預會帝作御製賞花觀書二詩從臣畢賦十月丙寅宴宗室輔臣於崇政殿賜衣帶器幣以奉祀禮成也射太清樓下賜五言詩

祥符觀書流盃詩

七年三月十日乙未召輔臣于玉宸殿觀太宗聖丈神翰賜宴翔鸞閣又臨曲水浮觴小黃門奏樂帝作

觀書流盃詩二首侍臣皆賦

祥符閔農歌 念邊賦

七年六月丙子棣州涇州流民歸業者給復二年辛巳作憫農歌賜近臣和 三年三月癸卯作念邊五言詩賜近臣屬和五年十月乙巳又作念邊五言詩賜近臣

祥符讀十一經詩 讀十九代史詩

七年六月庚辰上作周易詩三章賜羣臣和先是上每著歌詩間命輔臣宗室兩制館閣屬和而資政殿龍圖閣學士待制和尤多至是徧詠經史三司諫官

御史或預賡載其大禮慶成及酺會則百僚並賦七月辛亥作尚書詩三章八月庚午作春秋詩三章九月甲申作毛詩詩三章庚戌作周禮詩三章十月甲戌作儀禮詩三章十二月庚辰作公羊詩二章八年正月丁未作穀梁詩三章閏六月癸巳作孝經詩三章賜羣臣和七月辛未作史記詩三首八月甲申作前漢書詩三首并注賜羣臣屬和乙未作後漢書詩辛丑作三國志詩九月庚申作晉書詩十月辛巳作宋書詩十一月戊申作南齊書詩辛未作梁書詩十二月己亥作陳書詩王旦等曰陛下非惟多聞廣記

皆取其規鑒九年正月辛未作後魏書詩三月癸丑作北齊書詩四月甲申作後周書詩五月乙丑作隋書詩十月戊寅作唐書詩十二月癸未作五代梁史詩天禧元年正月壬戌作後唐史詩二月辛未作晉漢周史詩並注賜羣臣屬和其讀十一經也起七年六月庚辰成於八年閏六月癸巳其讀十九史也起八年七月辛未成於天禧元年二月辛未

祥符宴羣臣賜詩

七年八月二十五日戊寅真遊殿上梁名近臣焚香因宴于長春殿帝作七言詩令近臣繼和十一月壬

辰御乾元門觀醮十一日癸巳賜百官宴賜慶院宗室于瑞聖園帝作七言詩羣臣咸和 九年二月丁

酉寒食宴近臣賜五言詩三月丁未宴羣臣于園苑

上作上巳五言詩賜之十一月二十三日癸亥召中

書樞密院兩制至刺史以上赴龍圖閣觀書特召楊

億呂夷簡馮元預會帝作觀書七言六韻詩二首分

賜寧王元偓及輔臣王旦等又作七言四韻詩二首

分賜學士晁迥以下命儒臣卽席皆賦 亦如景德二

年幸此作詩命李宗諤序之也乙卯作冬至七言詩

祥符會靈觀詩

八年十一月辛亥作冬至立仗七言詩丁巳詣會靈
觀上作七言詩賜羣臣甲子詣景靈宮觀上梁作五
言詩瑞雪歌十二月壬午王欽若上承天節夷蠻戎
狄同獻壽歌上和之九年五月甲寅景靈宮迎御書
額上作七言詩丙寅作景靈宮成七言十韻詩近臣
畢和六月戊寅作會靈觀成七言詩賜近臣和十一
月甲辰甘露降會靈觀作七言詩 八年閏六月庚
寅作七言詩賜童子蔡伯侁伯侁四歲誦詩百餘篇
上名入禁中命爲正字 四月庚申作七言詩賜蔡
齊

祥符翔鸞閣歌詩

九年二月癸卯召近臣于後苑翔鸞閣觀太宗御書
因示聖製太宗聖文神筆頌玉宸殿記五臣論樂府
辭上作歌詩二篇命從官賦詩移幸流盃殿泛觴登
象瀛山翠芳亭遂宴玉宸殿

祥符資善堂賜詩

九年三月庚申壽春郡王會友張士遜等于資善堂
作七言詩二篇分賜之丁卯以壽春郡王讀孝經序
終篇賜王友張士遜等會于資善堂上作七言詩二
首賜王洎士遜等四月戊戌士遜等請以聖製資善

堂記及賜王詩刻石堂壁從之
正月壬申士遜及出
遵度爲王友上作七言詩寵之

祥符賜向敏中詩

九年六月辛巳宴長春殿餞向敏中作五言言韻詩
寵其行十月壬辰作詩二章分賜龍圖閣待制李虛
已李行簡直龍圖閣馮元

天禧恭謝南郊詩 中和節詩

天禧元年正月十一日辛亥奉天書令祭天地于南
郊壬子帝作恭謝南郊七言詩近臣咸和乙卯又作
上元詩二月庚午朔上作中和節五言詩賜王旦已

下 三年二月己丑朔上作中和節詩

天禧喜春雨詩

元年正月己未作喜春雨詩賜學士已下屬和 晏殊謝表曰念及蒸民異周成之儀鳳樂茲瑞應踰漢祖之飛雲

天禧清景殿書事詩

元年二月作憫農天時地利稼穡省費爲政薄賦牧宰卹刑安民十題共百篇皆有序戊寅名輔臣至龍圖閣示之

會要

仁宗於乾興元年八月辛亥以清

景殿書事詩二卷賜輔臣

天禧太清樓閱書歌詩

見觀書

天禧觀酺詩 稼穡倍登詩

元年二月壬申

三日

御正陽門觀酺大合樂癸酉宴百

官錫慶院作景靈宮成賜酺七言詩賜從臣和 二

年九月庚午御正陽門觀酺辛巳宴百官錫慶院宗

室通王官作大酺七言十韻詩勸酒四韻詩分之又

以稼穡倍登詩示輔臣 四年十月壬午上御正陽

門觀酺宴宗室近臣于樓上癸未宴百官宗室作賜

酺七言詩賜之

天禧崇徽殿芝草歌詩 皇太子書御製

詩 學書歌 勸學吟 資善堂賜歌吟

二年正月庚子內出真遊崇徽二殿芝草圖上作歌

一首五七言詩二首崇徽皇后所居殿也辛亥請元符觀宴從

官于資善堂出賜壽春郡王歌吟七首紀云恤黎民等歌元

符觀頌資善堂記及壽春郡王詩什篇翰一作示輔筆翰

臣向敏中等曰王始著吟咏句意精奇揮翰適麗天

縱才藝本於樂善之性咸再拜稱賀八月癸丑賜太

子元良箴七言十韻詩又作七言詩分賜賓客李迪

庶子張士遜 三年二月丁未十九日內出皇太子所

書御製詩示輔臣帝作學書歌賜之丙辰又作勸學
吟賜太子

進呈學書賜詩五首

帝學云賜王歌凡

七軸曰勸學修身懷儉約謹所好卹黎民勿矜伐守
文

天禧玉宸殿觀麥詩 瑞穀歌

二年十月庚子玉宸殿觀古城稻賜宴安福殿上作

七言詩三年四月壬寅作玉宸殿觀瑞麥七言詩賜

近臣庚戌幸玉津園宴射作觀稼五言詩四年八月

戊戌出玉宸殿瑞穀圖示輔臣作歌六首 又三年

十月壬辰名宗室近臣觀西天綠豆小香占城稻上

作七言詩三首賜之屬和 晏殊表曰靈苗嘉穀觀
瑞穎於星田仙翰寶章捧宸辭於龍檢掩蘭菊於漢
篇越茨梁於周雅 禹稼蕃滋堯文炳蔚

天禧宴宗親詩

瑞雪詩

宴羣臣賜詩

二年十一月乙丑作冬至詩乙亥作冬至日宴親賢
詩又出聖製三教詩百官歌論九首雜詩一卷賜輔
臣癸未作後苑宴會宗親七言十韻詩賜太子十二
月辛亥作立春詩 二年十月乙未雪上作瑞雪五
言詩二首賜輔臣四年正月乙卯雪作詩五首 三
年三月癸亥大宴會慶殿上作五言詩羣臣畢和丙

寅親試舉人上作七言詩賜羣臣命皇太子書以賜
輔臣是日召知舉錢惟寅等對景福殿出皇太子親
寫御詩二紙以賜之王曉楊億李諮再拜請之翌日
各賜一紙十二月庚寅作瑞雪詩賜近臣庚子又作
瑞雪詩四年正月乙卯雪作五言詩五首賜近臣
畢和太子書御詩又見翔鸞類御書是歲三月庚
午也

天禧賞花釣魚詩

三年三月庚午宴後苑登翔鸞閣觀太宗御集聖製
又御儀鳳閣玉宸安福殿遂臨池垂釣射于太清樓

下帝作賞花釣魚五七言詩命皇太子書以示近臣
群臣皆賦四月癸卯幸金明池瑄森苑作七言詩賜
近臣 四年三月巳巳宴會慶殿內出牡丹賜群臣
作牡丹五七言詩命近臣和 著飛雲之雅什彰滑
露之多歡

天禧天安殿賜詩 南郊詩

二年十一月戊辰奉天書于天安殿作五言詩賜近
臣屬和巳巳作天安殿酌獻天書薦獻景靈宮五言
詩二首賜近臣庚午朝享六室作太廟致齋五言詩
賜近臣辛未祀天地禮畢上作南郊五言詩賜近臣

丙子上齋長春殿作五言詩賜近臣巳卯作大禮慶成五言詩賜近臣

天禧歲時新詠

三年十二月辛卯賜輔臣御製元良述六藝箴各一卷承華要略正說奉道詩各十卷歲時新詠三卷真宗御集有詩八十九卷歌十五卷詞四卷樂章一卷樂府集三卷新詞二卷

天聖清輝殿山水石詩

天聖八年三月壬申幸後苑賞花釣魚觀唐明皇山水字石于清輝殿因命從臣皆賦歌詩遂宴太清樓

翌日盡取詩付中書第優劣六月丙戌校理韓羲以

惡詩落職

上琪歌曰奎鉤粲粲光
芒動羣玉桂林森氣象新

天聖賜孫奭詩

賜進士詩

見御書

九年十一月十日癸未翰林侍講學士孫奭知兗州
賜近臣館閣官餞于瑞聖園帝作七言詩寵其行詔
近臣皆賦先是閏十月戊辰奭辭曲宴太清樓命從
臣賦詩召晁迥及近臣預帝賜飛白趙師民知耀
州帝自寫詩寵行目以儒林舊德李端懿知鄆州
帝賜詩寵之命端明曾公亮知鄭州賜詩一首寵行
公亮刊石以墨本上進

明道藉田詩

明道二年二月十六日辛亥賜百官福酒帝作藉田
禮畢詩七言一首賜宰相呂夷簡等次韻和進己未
命夷簡殊撰藉田記三月丁卯大宴集英殿

景祐賞花釣魚詩

景祐三年三月六日乙酉曲宴後苑賞花釣魚
詩薛沚席上和進移宴太清樓

景祐化成殿芝草詩

奉禋歌

見樂章

景祐四年五月二十五日丙寅御化成殿以芝草
於殿楹石輔臣兩制等觀帝作瑞芝五言詩賜座臣

三隨以下翌日各為詩賦頌以獻熙寧四年五月召
韓臣觀化成殿芝莖舊曰玉宸明道元年改四方貢
珍粟常貯此殿

寶元太清樓賜詩

寶元二年十一月六日癸巳以皇太子生宴韓臣宗
室于太清樓讀三朝寶訓賜御詩 慶曆四年九月
丁亥召宗室宴太清樓射苑中

慶曆喜雨詩

慶曆七年春旱三月癸巳上下責躬之詔避殿減膳
宰相賈昌朝陳執中等乞罷不許及是朝罷執中再

請第降一官。辛丑。幸西太一宮。祈雨。徹蓋不御。及還。而雨。群臣請復膳。御殿上。乃復執中等官。下詔以交。修宗職。不忘罪已。引過之義。四月丁未。幸西太一宮。謝雨。壬子。御殿復膳。又賜喜雨詩一章。以勉之。賜二。以至和二年五月庚申。雨。賜喜雨燕于中書。

皇祐幸資善堂詩

元年七月。壬子。朝拜真宗神御。回。幸資善堂。作詩云。先皇教善。啟東闈。云云。壽曰。學文親政地。仰懷慈訓。倍依依。堂中藏先朝賜書。有楹書。乍啓欽遺澤之句。

嘉祐賜李淑詩

二年九月十一日翰林侍讀學士李淑出守河中。製
云言六韻詩賜之。是年九月丁丑龍圖直學士梅摯
出守杭亦賜詩寵其行。

嘉祐賞花釣魚詩

六年三月二十五日戊申幸後苑賞花釣魚。冥太清
樓出御製詩一首命從臣屬和。四月丁丑賜新進
士聞喜燕于瓊林苑遣中使賜御詩及大學篇各一
軸。是歲之夏賜判定州李昭亮御詩一章。

嘉祐飛白御製觀書詩

七年十一月二十三日丙申幸龍圖天章閣召輔臣

侍制臺諫官皇子宗室觀三聖御書又筆寶文閣帝
親為飛白書以分賜從臣仍出御製觀書詩一首賜
近臣繼和翰屬遂宴羣玉殿是日復詔翰林學士
王珪撰詩序刊石寶文閣魏王珪序曰臣琦等二
十有八人廣宸唱以進壬子拜召觀瑞物又陳先朝
述作之文復宴羣玉殿大合樂出禁中肴醴本紀實
軾從臣又王珪和詩云筆迴丹穴鳳歌起沛中

雲臣僚應制詩三十八首

仁宗御集百卷而詩二卷為之冠樂章二卷次之
童聖受元符之錫親作法曲十六章仁宗嘗景祐之

隆幸修祀典亦製雅歌六十八章

元豐賜文彥博詩

七年三月二日辛丑宴文彥博于瓊林苑賜御製詩以彥博入覲也。又元豐三年閏九月壬子賜彥博御筵上自為詩賜之命參政章厚為序詔曰來覲外廷相成宗祀崇進公品往莅洛師錫燕賜詩昭示殊禮仍敕近輔序而識之。

元祐邇英閣賜詩

見前

建炎御製中和堂詩

建炎三年四月壬戌上登中和堂囑稽山思夏后之功。瞰濤江懷子胥之烈。製詩五月辛丑張浚至行在。復爲知樞密院上親書御製中和堂詩。賜浚曰。願司越勾踐焦思先吾身。卒章曰。高風動君子。屬意種蠡臣。淳熙十一年十一月一日丙戌。宰執謝賜太上稽山詩石。上曰。太上詩規模宏大。所以賜卿者。正欲仰體太上之意。如屬意種蠡臣之句。堂在杭州舊治。有清風亭望海樓。至和三年杭州守孫沔重修。錢氏閱禮堂更名中和。高宗御書。謂斯堂偉特之觀。無愧上都薰風南來。我意雖快。願庶人共之。後改爲

偉觀堂

紹興喜霽詩

紹興十九年太史令胡平言十一月十二日行禮景靈宮登輦出內天氣開明見帝坐及三台星體明耀十三日車駕至青城陰霧收斂登壇至禮畢天氣澄肅星月明瑩回鑾肆赦有彩雲之瑞乞宣付史館從之上因是親製喜霽詩宰輔從臣皆和以進詩曰氣

州俎豆羣工泰祥入貔貅萬馬秋

魏文帝有喜霽賦

文選注

唐太宗有初晴詩

初學記

隆興康壽殿金芝詩

隆興二年三月二十四日作七言四韻詩有永將四海奉雙親之句。太上皇御製贊曰：律身以道，旣濟則亨。煌煌競秀，結液蟠英。

乾道賜虞允文詩

乾道八年九月，虞允文以少保節度宣撫四川。上以詩送之，曰：不辭論道虛台席，暫假宣威築將壇。歸來尚想終霖雨，未許鄉人衣錦看。用李綱故事。御正衙親酌卮酒賜之，俾卽殿門乘馬持節而出。都人以為寵。

洪邁跋孝宗御詩謂制作之懿播之詩章與天爲徒。

闢闔造化蓋與舜元首之歌湯之盤銘漢祖沛中所
作相爲表裏自橫汾瓠子以下不足議也 孝宗詠
冷泉堂曰平生雄武心覽鏡朱顏在豈惜常憂勤規
恢須廣大

淳熙宴射詩

見射類

賜張子仁史浩詩

淳熙元年九月十八日幸玉津宴射賦七言詩賜曾
懷以下與宴者皆和二年五月十日製詩賜進士詹
駉三年六月一日製詩書扇賜集撰張子仁四年三
月一日製衆妙堂詩賜淮東提舉吳琚十月一日製
詩賜少保史浩浩以舊學錫宴內苑命宿于玉堂翌

日有詩來上因俯同其韻賜之浩恭題御製和詩

季秋壬子錫宴於澄碧殿命宿玉堂之直廬是夕裁
成古詩三十韻上進殿下賜以宸章俯同其韻有曰
躋民期仁壽有曰朕瘠天下肥見陛下之用心有曰
都護萬年觴何當至庭祀見陛下之立志十一月壬
寅召學士周必大至清華閣上曰朕和浩詩卿可和
以進賜詩本并茶墨進和篇云淳熙視正觀何啻相
表裏五年十月史浩除少傅賜第城中出御製長春
花詩酬和至再示眷留之意六年六月四日又賜張
子仁詩八年八月十一日又賜浩詩

浩丐歸於其行錫宴以賜之

王治卷二十一
三十七六
十一年四月二十五日又製詩餞浩行

淳熙秋日幸秘書有詩

五年九月十二日壬申幸秘書省觀圖書宴右文殿
翌日癸酉內出御製近體詩賜宰臣史浩以下羣臣
咸和又有賞春喜晴因想中原詩苑中卽事詩冷泉
堂古風

淳熙玉津喜晴詩

十二年三月二十六日車駕宿戒幸玉津園命下大
雨將曉有晴意已而天宇豁然洪邁進詩歌詠四月
四日扈從景靈官賜聖製云比幸玉津園縱觀春事

適霽色可喜卿有詩來上因俯同其韻春郊柔綠遍
桑麻小駐芳園覽物華應信吾心非暇逸頓回晴意
絕咨嗟每思富庶將同樂敢務游畋漫自誇不似華
清當日事五家車騎爛如花

淳祐講禮記賜詩

六年十月講禮記畢錫宴祕書省御製七言唐律一
首云天高地下禮居中云徹章賜御製詩自此始
十一年講易終篇賜詩

瓊章寶字媿墳襲經日星昭回被物成飾精能之至

入神出天白雲起而帝歌翠華飛而臣賦雅頌之盛
與三代同風黃竹白雲垂芳帝籍虞舜股肱之歌漢
皇日月之唱沛邑有歌唐殿有詩然志於威加未嘗
思治安於已欲念不及民 邁騷鴻之晨露掩虞舜

之薰風

謝中和節
御製詩

沛筑永言漢臺清什發叢

雲之寶思詢儀鳳之雕章七言超沛邑之歌五字掩
芙蓉之作集靈七字粲星緯以騰華沛邑三侯戛咸
韶而儷曲間持錯寶之跗獨揆飛雲之思沛筑有章
栢梁有詠詩紀靈臺篇述宮體布堯言於天下粲王
字於日中堯思安安周文郁郁東井珠連於五字北

辰杓貫於七言超汾水素波之詠異建章黃鵠之辭
堯言炳煥禹律鏗純麗越汾辭清踰沛曲放勛之文
有煥帝舜之歌惟幾日月光華金玉英潤若登羣玉
之府聆鈞天之奏雖大風之歌宣房之詩橫汾之誦
固不足以比儼睿作之萬一奏薰風詠叢雲湯製局
促於盤銘虞歌澹泊於琴曲橫汾乃縱賞之事黃竹
匪勸誡之文

玉海卷第三十

玉海卷第三十一

浚儀王應麟伯厚甫

聖文

御製賦

漢武帝所造賦

志上所自造賦二篇

注武帝

魏文帝戒盈賦

見藝文類聚 文帝善辭賦

魏喜霽賦

文帝有喜霽賦云激清風以漂潦發皎日之陽暉

見

梁歷代賦

天監十七年周捨奉敕注武帝所製歷代賦啓周興嗣助焉隋志歷代賦十卷梁武帝撰

唐威鳳賦
懷昔賦

太宗與長孫無忌共艱難作威鳳賦以賜且況其功

正觀政要作威鳳賦以自喻因賜房元齡

楊琮與

秦王同里居武德初爲王府參軍隱太子事平詔親王宰相一人入宴而琮獨預太宗賜懷昔賦申以恩

意

文苑英華云感舊賦

初學記賦曰有一威鳳憩

翻朝陽晨遊紫霧夕飲玄霜資長風以舉翰戾天衢
而高翔徘徊感德顧慕懷賢

唐藉田賦

見藉田類

高宗儀鳳二年

梁武帝有藉田詩

唐玉華宮賦

高宗爲太子正觀二十二年二月引庶子少詹事司
議舍人賦詩言志援筆制序翌日太宗以示王公司
徒無忌對曰太子稟承天訓羣藝日新是歲太子制
玉華宮山銘又獻玉華宮賦

唐元宗喜雨賦

見張說集 潔齋壇墀五精是祠暴立炎赫三日爲
期上帝臨我衷誠不欺重泉蒸潤觸石吐滋納清陰
之浮涼混和氣而飄灑感作霖於殷命諷其滂於周
雅體雲行而雨施吾何事乎天下 張說等和者五
人 韓休賦昭宸文於台壁式玉度其如金 徐安
正賦大舜之慶雲已發武帝之秋風莫比 賈登賦
十有六年

唐紫宸殿受朝賀賦

會要元和九年正月朔御製

恐是賦詩當考

太平興國平晉賦 鑾輿凱旋賦

四年五月己丑御製平晉賦賜從官皆令繼作又製平晉五七言詩各一首賜從官俾之屬和丁酉詔曰并門底定鑿輅凱旋宜崇衆善之因以紀一戎之業其行在所創爲佛廟賜號平晉寺御製平晉記刻石建於寺內辛丑次榆次縣御製鑿輿凱旋賦賜從官令繼作癸卯製回鑿至側石書懷詩一首

淳化大言賦

四年八月一日行書賜蘇易簡曰宋玉遇楚王未足以爲美易簡逢真主堪師法於後人今賜卿大言賦名四句曰少年盛世今爲詞臣古往今來今有幾人

乾道御製春賦

三年三月癸卯賜宰執御製春賦上曰人主不可不知民事七月之詩陳王業艱難近嘗作春賦放蘇軾赤壁賦爲之大意言農事方興要使無失其時宰臣魏杞請窺聖作故賜之四年二月庚子賜宰臣蔣芾等辛丑芾奏聖學高妙虞舜之歌不能遠過賦略曰吾將觀登臺之熙熙包八荒而爲家穆然若東風之振槁洒然若膏雨之萌芽心遊造化之表寄妙用於無言洪邁跋曰乾道四年正月庚寅詔賜臣邁春

賦一首凡四百七十有二言雲漢爲章奎璧絢耀昭
回之光下飾萬物臣拜而言曰古今能文者多矣惟
廣大高明開闢造化然後足以爲帝王之文章帝王
之文準矣惟經緯天地鼓舞動植然後足以盡聖人
之能事元首之歌薰風之辭湯盤之銘方策所載昭
然若揭日月漢祖沛中之歌高簡雄伉讀之竦然使
人毛髮欲立武帝悼河功之不成作瓠子之歌紆徐
屈折可以一唱而三嘆然鴻鵠高飛之謳連娟修嫿
之賦惑於嬪嬙心折氣沮彼二君者豈真帝王之所
以爲文者哉陛下以天縱之聖高視萬古肆筆成書

震撼一世巍乎其如天煖乎其如春嵩衡岱華不足
 以為高黃鐘大呂不足以為清乾坤施生之妙陰陽
 動化之蹟探端索至發其機緘大哉言乎直與詩書
 丘索相表裏天之斯文於是無復餘地 淳熙十三
 年三月乙未出御製春晝絕句賜邁四月辛亥和邁
 所進幸玉津詩邁謂深得無逸之餘旨 唐太宗有
 首春詩

御製碑銘

黃帝銘

巾機法

孔甲盤盂

見著書類

漢志道家黃帝銘六篇雜家孔甲盤盂二十六篇

田蚡傳學盤盂諸書應劭曰黃帝史孔甲所作銘也
凡二十六篇書盤盂中所以爲法

七略曰孔甲黃帝之史

皇覽記黃帝金人器銘曰武王問尚父曰五帝之戒
可得聞乎尚父曰黃帝之戒曰吾居民上搖搖恐夕
不及朝故爲金人三封其口曰古之謹言 文心彫
龍黃帝刻輿几以弼違大禹勒筍簏而招諫 朱穆

傳注黃帝作巾机之法孔甲有盤盂之誠 劉存事

始蔡邕銘論曰黃帝有金几之銘

又文選注引蔡邕銘論云云 德非

此族不在銘典

禹筍簏銘 禹碑

原书缺页

新爲戒周之武王於几席觴豆刀劍戶牖莫不銘焉
蓋聞湯之風而興起者於常用之器各因事刻銘以
致戒欲其常接乎目每警乎心而不至忽忘也 墨

子堯舜禹湯書其事於竹帛瑑之盤盂曰君子福大
而愈懼爵隆而益恭 漢志小家說天乙三篇注謂

湯其言皆依託也 選注太公金匱師尚父謂武王

曰舜之居人上於於履傳冰湯之居人上翼翼懼

不敢息 蔡邕銘論殷湯有甘誓之勒 賈誼新書

湯曰學聖人之道者譬其如日

周武王丹書 誠書 銘 起居誠 武

王几杖書

學記大學之禮雖詔於天子無北面所以尊師也注
尊師重道焉不使處臣位也武王踐阼召師尚父而
問焉曰昔黃帝顓帝之道存乎意亦忽不可得見與
師尚父曰在丹書王欲聞之則齊矣王齊三日端冕
師尚父亦端冕奉書而入負屏而立王下堂南面而
立師尚父曰先王之道不北面王行西折而南東面
而立師尚父西面道書之言疏曰皆大戴禮武王踐
阼篇大戴禮唯云帝顓帝之道無黃字或古本不與
今同丹書者師說云赤雀所銜丹書也云師尚父亦

端冕案大戴禮無此文鄭所加也其書之言曰敬勝

怠者強怠勝敬者亡瑞書云敬勝怠者吉怠勝敬者

滅義勝欲者從欲勝義者凶與瑞書同矣後漢紀注引太公金

匱亦有敬義二句此四句亦見荀子議兵篇及六韜太公對文王至道之問凡事不強則

枉不敬則不正枉者滅廢敬者萬世以仁得之以仁

守之其量百世以仁得之以不仁守之其量十世以

不仁得之以不仁守之必傾其世王聞書之言惕然

若懼退而爲戒書於席之四端爲銘及几鑑盂盤楹

杖帶屨劔矛爲銘銘皆各有語在大戴禮丹書九三十九字安

樂必敬爲十六銘之首傳心之要也大戴禮武王踐阼第五十九武

王踐阼三日名師尚父而問焉

云云

道書之言曰敬

勝怠者吉

云云

敬者萬世藏之約行之行可以爲子

孫常者此言之謂也且臣聞之以仁得之

云云

王聞

之惕若恐懼退而爲戒書於席之四端爲銘曰安樂必敬無行可悔一反一側亦不可不志所監不遠視爾所代机之銘曰皇皇惟敬口鑑之銘曰見爾前慮爾後盥盤之銘曰與其溺於人寧溺於淵溺於淵猶可游也溺於人不可救也楹之銘曰母曰胡殘其禍將然母曰胡害其禍將大母曰胡傷其禍將長杖之銘曰惡乎危於忿責惡乎失道於耆欲惡乎相忘於

富貴帶之銘曰共則壽履屨之銘曰勞則富觴豆之
銘曰戒之僑僑則逃戶之銘曰名難得而易失牖之
銘曰隨天之時以地之財敬祀皇天敬以先時劔之
銘曰帶之以爲服動必有德弓之銘曰屈申之義發之
行之無忘自過矛之銘曰造矛造矛少間弗忍終身
之羞余一人所聞以戒後世子孫

注貽厥孫謀以燕翼子武王之詩也

太公金匱武王曰吾隨師尚父之言因爲書銘隨
身自戒其冠銘曰寵以著身不正爲咎書履曰行必
慮正無懷僥倖書劔曰常以服兵而行道德鏡曰以
鏡自照則知吉凶書車曰自致者急載人者緩取欲

無度自致而反書鋒曰忍之須臾乃全汝軀書刀曰
刀利皚皚無為汝開書井曰原泉滑滑連旱則絕取
事有常賦歛有節視之書曰邪心讒言無得汙白牖
之書曰闕望審且念所得可思所忘 詩正義中候

我應云季秋之月甲子赤雀銜丹書入豐止於昌戶

是類謀曰受赤雀銜書注入戊午節二春秋元命苞

曰鳳皇銜丹書於文王之都丹書命云雜受金鈴師

我膺云季秋七月甲子赤雀銜丹書入豐至昌戶再

拜稽首受 詩正義又云大戴禮說武王盤盂几杖
皆有 史記正義尚書帝命驗云季秋之月甲子赤

雀銜丹書入于豐止于昌戶其書曰敬勝怠者吉義

勝欲者從以仁得之以仁守之其量百世與踐作呂

篇同

呂

氏春秋支王見火鳥銜丹書集於周社故色尚赤淮

子至德之世

晏子春秋公游於紀得金壺發而視

之中有丹書曰食魚無反勿乘駑馬晏子曰食魚無

反毋盡民力乎勿乘駑馬無置不肖者於側乎公曰

紀有書何以亡也對曰君子有道垂之閭紀有此言

注之壺不亡何待乎鄧析子湯有司直之人武有

戒謹之銘後漢朱穆傳上疏曰古之明君有輔德

之臣規諫之官下至器物銘書成敗以防遺失注黃

帝作巾机之法孔甲有盤盂之誠太公陰謀曰武王

衣之銘曰桑蠶苦女工難得新捐故後必寒鏡銘曰

以鏡自照見形容以人自照見吉凶鵬銘曰樂極則

悲沉湎致非社稷爲危

唐羅袞曰太公陳鵬鏡之銘

崔駟傳銘

諸几杖刻諸盤杆注太公金匱

選注引陰謀同

武王曰吾欲

造起居之誠隨之以身几之書曰安無忘危存無忘

亡熟惟二者必後無凶杖之書曰輔人無苟扶人無

咎

几杖之銘見於太公金匱之書而注於後漢崔駟之傳鵬鏡之銘見於陰謀之書而注於朱穆之傳

又有衣銘焉

太平御覽太公陰謀武王曰吾欲造起居

之誠隨之以身箠書曰馬不可極民不可劇馬極則

躓民劇則敗金匱門之書曰敬遇賓客貴賤無二戶

之書曰出畏之入懼之論之書曰昏謹守深察訛

蔡邕銘論武王踐阼咨于太師作席几楹杖器械之
銘十有八章周廟金人緘口書背銘之以謹言所以
勉令德也

文選注蔡邕銘論曰武王踐阼咨于太師

而作席几楹杖雜銘

武王金版銘

見銘類

唐歸

崇敬傳言春秋釋奠孔子皇帝北面揖以爲太重宜
准武王受丹書於尚父行東面之禮 宋朝寧宗初

紹熙五年閏
十月戊午

侍講朱熹講大學至盤銘日新因論武

王有丹書皆人主憂勤警戒之意上曰近有人進此
書蓋黃庭堅所書也 武王始克商訪洪範於箕子

始踐阼又訪丹書於太公可謂急於問道矣 孔子
贊易於坤之六二曰敬以直內義以方外自黃帝而
武王自武王而孔子其一道與 怠欲既泯敬義斯
存直方以大協德于坤

周鍾山銘

穆天子傳觀臨鍾山

一作春山

乃爲銘跡於平圃之上以

銘後世

謂刊石紀功

紀名迹于弇山之石曰西王母之山

登贊皇山以望臨城

山海經穆王至崑崙之丘眺

鍾山之嶺勒石西王母之山絕迹元圃之上

文心

彫龍周穆紀迹于弇山之石

集古錄贊皇壇山有

穆王刻石曰吉日癸巳 文粹夏后開宛委之圖周
穆紀春山之石

水經注碣石山漢武帝登之以望巨海而勒其石

漢四皓碑

見後

唐晉祠碑

唐叔虞祠也高祖初起兵禱是祠太宗爲立碑 正
觀二十年正月幸晉祠立碑製文親書於石 金石錄
太宗製并行書二十年七月

唐玉華宮銘 萬年宮銘

會要正觀二十二年四月太宗御製玉華宮銘令皇太子已下並和永徽二年九月改九成宮為萬年宮五年三月一云五月親製萬年宮銘并序七百餘字羣臣請刊石建于永光門從之 金石錄在鳳翔麟遊縣行書永徽六年五月

唐底柱銘

太宗

見後

金石錄有御製溫泉銘

司馬公曰唐太

宗刻銘底柱之陰魏鄭公撰字幾沒然殘缺僅可讀

唐慈恩寺碑

顯慶元年四月戊申御安福門樓觀僧元獎等迎御

製書慈恩寺碑文

唐游儀銘

集賢注記開元十二年沙門一行造黃道游儀成以
進上御製銘學士陸去泰奉勅題製造年月及工匠
姓名于盤下

御書填以金字餘題記填以銀字

唐華岳祠碑銘

呂向傳元宗勒石西岳詔向爲鑄勒使 會要開元

十二年十一月四日庚午上幸東都十日至華州命
刺史徐知仁與信安王禕勒石華岳祠南道上御製
碑文仍書之明年七月七日碑成張應天門以示百

僚

銘序曰十二載孟冬之月
銘曰高標赫日半壁飛雨

通典十三年於華州

岳祠南立碑

實錄開元十三年五月戊戌以親製

西嶽碑示百僚有五色雲見于前 文粹又有御製
后土神祠碑銘皆張說之辭也

唐紀泰山銘

開元十三年十一月有事於泰山上製紀泰山銘親
扎勒石於石壁 金石錄入分書十四年九月 又有龍

角山紀聖銘

開元十七年九月

太宗作魏證碑

正觀十七年正月

高宗作李勣碑

儀鳳二年十月

明皇作張說碑

開元十八年

德

宗作段秀實碑

興元元年

崔圓爲蜀留後元宗親

製遺愛碑以寵之

司馬子微謚正一先生親文其

碑又親製一行碑文并書於石
東都聖善寺中宗
爲太后追福自製碑

唐紀功碑

李晟復兩京帝紀其功自文于碑勅皇太子書立于
東渭橋晟謝表云上援彥範次述子儀
韋臯擒
莽熱獻諸朝帝製紀功碑褒賜之

唐鐘銘

西域傳摩揭它本中天竺屬國正觀二十一年始遣

使自通高宗遣王元策至其國摩訶菩提祠立碑後
德宗自製鐘銘賜那爛陀祠 金石錄天寶三載六
月明皇撰真源觀鐘銘八分書

唐宸扆台衡銘

馬燧傳燧平河中

正元元年

還太原德宗賜宸扆台衡二

銘

并序

以言君臣相成之美勒石起義堂西偏帝牘其

顏以寵之

會要云止
爲題額

宸扆銘曰求賢惟廣辨理惟

精逆心怫志必嘉乃誠順旨苟容亦察其情斥去姦
諛全度中正凡將有爲靡不三思喜怒以節動靜以
時 台衡銘曰天列日星象垂于人聖人則天亦建

輔臣以翼以弼爲衡爲鈞如耳目應心如股肱運形
自求賢辨理至宣猷同德

權德輿爲燧行狀云正

元元年上賜杜希全君臣箴公奉表賀因賜是銘各
一首令男暢謝恩請揭而書於起義堂詔優荅曰比
夫盤盂自銘亦與輔佐同德

會要九年十月

冊府元龜

云元年恐會要誤

上以燧平汴宋魏博河中功益高賜二銘

并序

文苑英華

燧請到御製箴銘曰援申甫以作

誠紹唐虞而追蹤日以勲賢稱其威武內以爲子孫
藏外以垂金石刻

太平興國戒子銘

太宗九子興國八年並封上作戒子銘及詩賜之

太宗戒石銘

紹興二年六月癸巳詔有司摹黃庭堅所書太宗戒石銘勒諸堅珉徧賜守令命刻之庭石置諸坐右七月癸酉呂頤浩等跋洪邁曰景煥野人閑話首篇

頒令箴載蜀王孟昶爲文頒諸邑云凡二十四句唯經表出者詞簡理盡遂成王言太宗書此以賜郡國立於聽事之南謂之戒石銘銘曰爾俸爾祿民膏民脂下民易虐上天難欺

至道製趙普碑

至道三年六月製韓王趙普神道碑銘親八分書以

賜之并篆額人謂三絕 皇祐二年六月製太師中
令隴西郡王李用和神道碑仍篆曰親賢之碑 仁
宗御集有銘六卷

祥符泰山銘贊 會真宮碑 泰山述二

聖銘 汾陰配饗銘 祀汾陰聖製 上

清宮銘 明道宮碑

祥符二年五月戊午對輔臣于後苑出御製御書登
泰山謝天書述二聖功德銘司命天尊仁聖天齊王
周文憲王玄聖文宣王讚玉女像記示之十月丙午
遣內侍以御製泰山銘贊九軸賜丁謂等尋分賜近

臣十二月辛卯出聖製會真宮碑示王旦等三年正月戊寅召近臣觀龍圖閣書又至資政殿出聖製會真宮碑九天司命天尊殿銘泰山重修聖像記上又製五言詩一首賜王旦等和晏殊作東封聖製頌見前

四年二月辛酉祀汾陰壬戌上作汾陰二聖配饗銘河瀆顯聖靈源公西海廣潤王贊示輔臣又作七言詩賜留守向敏中三月壬午幸上清宮作上清宮銘及七言詩示近臣八月壬戌詔輔臣于後苑觀御製御書祀汾陰二聖配饗銘記十八本九月辛卯內出聖製祀汾陰碑銘贊記凡十八本于朝堂示

百官從御史趙湘之請也丁謂晁迥李宗諤楊億等
十三人咸上歌頌以贊盛美詔褒之五月五日辛卯
對輔臣于崇政殿觀御製汾陰銘贊 七年七月御
製朝謁太清宮頌京頌明道宮碑聖祖殿等銘贊示
近臣八月丁丑於景福殿示輔臣十月己未詔奉祀
陪位五使導駕扈從官勒名碑陰 書目真宗御集
銘六卷碑銘六卷贊八卷頌六卷

祥符宗室坐右銘

祥符三年九月時帝親製五箴以自儆判宗正寺趙
湘日對請御製文以戒宗室使知孝悌恭儉之節

湘言

宗室風化所本宜有以訓
厲願特製銘以賜南北邸
丁亥上作宗室坐右銘并

注分賜寧王元偓以下因謂近臣曰凡爲童稚時訓
導之爲益且久苟聰悟者讀書便能成誦終身不忘
朕舊在藩邸先帝令朕遵行然宗子旣衆當須輔導
得人自今十歲以上並令入學委時大雅教之判宗
正寺趙湘請朕著箴以戒之又以示宗室因製此銘
以申誨導可付學士院降詔賜之寧王等亦降詔諭
意分賜并及湘諭之曰卿宗姓也故有此賜

實錄同

會要與

祥符龍門銘

祥符四年祀汾陰回三月癸未幸西京龍門山諸寺
作游龍門詩有寶塔一新輝勝概玉毫 飾罄殊功
之句又作龍門銘

祥符內藏庫銘

祥符四年九月辛未朔壬申上作內藏庫銘 述先帝

節用愛人之意 初命陳彭年撰記彭年表請聖文故

從之五年八月辛丑幸內藏庫觀所立聖製內藏庫
銘亭 述儲侍之通規昭祖宗之懿範 元豐有景

福殿庫詩

天禧會靈觀銘

天禧元年二月戊寅作會靈觀銘元符觀頌思政論
四年十一月癸丑賜輔臣會靈觀銘石本 晏殊謝
表漢章鸞藻述真字之有嚴龍象龜趺播天聲于不
朽

天禧乾文殿聖製碑 脩河碑

四年二月癸未朔詔滑州新建僧院賜名福寧院御
製碑文以寵之作乾文殿以奉安聖製碑石丁酉滑
州言決河塞丙戌上作滑州脩河碑示近臣己亥以
河平致祭庚子羣臣詣崇德殿稱賀

熙寧製韓琦碑

熙寧八年十一月御製尚書令韓琦碑以寵勲舊

崇寧帝鼎銘

三年十月戊午

淳祐訓廉謹刑銘

章聖七條

熙陵成

石十六字

四年正月一日御製謂祖宗以仁立國以禮義廉耻待士大夫而有位者或淫于刑或冒于賄爰作二銘以儆以訓謹刑銘民吾同胞疾痛猶已報虐以威刑非得已仰惟祖宗若保赤子明謹庶獄惻怛溫克金科玉條豪析銖累夫何大吏蔑棄法理逮于郡邑

濫用笞箠典聽朕言式克欽止訓廉銘周典六計
吏治條陳以廉爲本乃良而循彼肆貪虐與豺虎均
肥于而家多瘠吾民縱道於法愧其冠紳貨悖而入
菑及後人我朝忠厚黜貪爲仁咨爾群辟是訓是遵
銘者名也因其器名書以爲戒帝堯作龜書靈后
氏象形篆以銘鍾鼎事始

御製箴贊頌

堯戒

淮南子人間訓堯戒曰戰戰慄慄日謹一日人莫躋
於山而躓於堙孟子放勳曰勞之來之匡之直之

輔之翼之使自得之又從而振德之 賈誼新書脩

政語帝堯曰吾存心于先古加志于窮民帝舜曰取
之以敬得之以敬 隋志識緯堯戒舜禹一卷

皇王大紀黃帝作輿几之箴以警宴安作金几之銘
以戒逸欲 史記趙良曰虞舜有言曰自卑也尚矣

夏箴

周書文傳解第二十五文王受命九年時維暮春在
鄙召太子發曰吾語女所保所守厚德廣惠忠信愛
人君子之行夏箴曰中不容利民乃外次 孔晁注夏

書也利福業 開望曰土廣無守可襲伐土狹無食可
次舍于田

圍竭

開望古書名也

夏箴曰小人無兼年之食遇天飢妻子

非其有也大夫無兼年之食遇天飢臣妾輿馬非其

有也國君無兼年之食遇天飢百姓非其有也

注古者國

家三年耕必有一年之儲非其有言流亡也

戒之哉弗思弗行至無日矣

有十年之積者王有五年之積者霸無一年之積者亡

文選王元長策秀才

文注周書夏箴曰小人無兼年之食妻子非其妻子

也 太平御覽引之

文心彫龍夏商二箴餘句頗存

呂氏春秋有商箴周箴

五子之歌述大禹之戒其一曰皇祖

有訓 魏絳述夏訓晏子述夏諺

漢志雜家大命

三十七篇傳言禹所作其文似後世語師古曰命古

禹字 墨子夏書曰禹七年水周書曰國無三年之
食者國非其國也家無三年之食子非其子也 賈
誼新書大禹曰民無食也則我勿能使也功成而不
利于民我弗能勸也 胡廣百官箴敘曰墨子著書
稱夏箴之辭 後魏李彪曰傳著夏氏之箴
唐陸機王羲之贊

太宗製晉史撰二帝及陸機王羲之贊

唐太宗凌烟閣功臣贊

志一卷

唐睿宗漢高祖讚

初學記赫赫漢祖應若興雲

唐顏子贊

見釋奠類 金石錄孔子弟子贊明皇與宋璟等撰
元和十年十一月孟簡立文睿宗撰老子孔子顏子
贊

唐開元十八學士贊

開元十一年麗正學士進詩上嘉賞之自燕公以下
十八人各賜贊以褒美之勅曰得所進詩甚爲佳妙
並據才能略爲贊述上自於五色牋八分書之尹鳳
翔賈就院散付學士尋勅畫像書贊于含象亭車駕

東行不果

又見圖類

十八學

名及贊並見後

唐起義堂頌

啓聖宮頌

見宮室

開元十一年正月辛卯幸并州上親製起義堂頌及

書刻石紀功于太原府之南街

詳見堂類

姬詠周

原劉歌沛邑于昭義堂誓衆資始天命所起于胥頌

美

唐鶴鷄頌

寧王憲傳元宗時有鶴鷄千數集麟德殿廷木魏光

乘作頌以爲天子友悌之祥帝喜亦爲作頌

頌云

我所息宴桂宮蘭殿九月辛酉雍渠伊見飛鳴行搃

在原之趣急難有情逼之不懼顧惟涼德天下所效
反于親賢實以爲教魯衛分政遊處其暎召之至庭
邕邕怡怡蓐收御節寒露微結觀此翔禽我心以悅
昆季縱目詠詩棠棣良史爰褒有慚虛昧 張說和
詩云神藻飛爲鵲鴿賦 金石錄鵲鴿頌明皇撰并
行書

唐陝州聽事贊

盧奐傳爲陝州刺史開元二十四年帝西還次陝嘉
其美政題贊于聽事曰專城之重分陝之雄亦旣利
物內存匪躬斯爲國寶不墜家風尋召爲兵部侍郎

又賜宰相
竹扇及贊

金石錄明皇撰并行書開元二十四年

十月

唐開元令長新戒

通監二十四年二月甲寅宴新除縣令于朝堂上作
令長新戒一篇賜天下縣令 集古錄元宗自擇縣
令一百六十三人賜以丁寧之戒天下爲縣者皆刻
石今所得凡六 河內至舞陽 金石錄又有開元二

十六年六月誠收宰勅

令長新戒曰我求令長保

又下人人之所爲必有所因侵漁浸廣賦役不均使
夫離散莫保其身徵諸善理齊爾良臣與之革故政

三海卷三十一
三百五十一
在惟新調風變俗背僞歸真教先爲富惠恤于貧無
大無小以躬以親責躬勸農其惟在勤墨綬行令孰
不攸遵曷云被之我澤如春 漢表云萬戶以上爲
令減萬戶爲長

唐汜水紀功頌

見紀功

唐君臣箴

奉天之狩朔方節度使杜希全分兵赴難賊平正元
九年十二月遷檢校尚書右僕射靈鹽等州節度使
獻體要八章切政病帝嘉納之賜君臣箴一篇

會要

舊史同

載箴云從諫則聖共理惟賢將負屣以虛

心期盡忠而納誨在昔稷契實正舜禹逮茲魏證佐
我皇祖戀闕方甚嘉言乃昌詞高理要入德知方縱
彼千慮被于八章汝其夙夜明保朕躬華戎仰德時
乃之風

唐政刑箴

崔位賀聖製政刑箴表云致理和平躋人壽域猶懷
兢業重設箴規酌裁成立政之中求司牧措刑之本
信成康之能事蓋堯禹之用心可以萬邦作孚千載
垂範金石不朽日月俱垂勤萬機于一日二日立盛

德于先天後天 金石錄德宗撰政刑箴八分書 正

元十四年十二月

舊史正元十二年十二月乙未

上著政刑箴一首

以聽政之餘深思理本

德宗謚

冊云政刑有箴宸扆有銘煥乎文明之化成也

建隆御製先聖二贊

國初增脩國子監學舍脩飾先聖十哲畫像七十二賢及先儒二十一人像于東西廊之板壁建隆二年十一月己巳上幸學御製先聖文宣王及亞聖堯國公贊十哲以下命兩制分贊之唐開元七年圖七十二子于壁上作顏子贊而已 書且國子監兩廟贊

二卷太祖真宗御製及羣臣分撰文宣武成王二廟
贊 文宣贊曰尼父挺生河海標異祖述堯舜有德
無位 梁元帝曰自圖宣尼像爲贊而書之

太平興國戒子篇

太平興國初太宗至東宮出戒子篇命皇子侍讀郭
贄注解且令委曲講說以諭諸王 本傳

端拱修身箴

淳化賜進士箴

端拱三年三月壬寅御崇政殿親試進士陳堯叟等

賜第上作修身箴賜之勉以修身謹行稽古効官之

意 初內殿策士賜詩至堯叟始易以箴

淳化三年

三月癸卯賜進士孫何等御製箴一首丙辰賜宴瓊
林苑又賜御詩三首巳酉又賜儒行篇爲座右之戒
詩箴並賜時論榮之唐故事禮部放榜勅下之日爲
聞喜宴于曲江近世多于各園佛廟

淳化秘閣贊序

淳化三年五月甲寅詔增修秘閣八月壬戌朔宴宰
臣李昉以下于秘閣三館與焉上作詩以美其事已
而秘書監李至上表乞御製贊以光秘府上許之仍
以六體親書贊文并序及篆額刻石一本云閣成帝
作贊賜之李至上表請以御製贊刻石秘閣帝以宰

臣前陳請又重違至意詔曰近以延閣載新萬機多暇聊書贊詠以美成功遽覽封章願刊穹石垂于不朽良積厚顏其贊并序當親書篆額以旌秘府

景德龍圖閣贊

祥符瑞物閣贊

見總瑞

景德二年四月戊戌上閱太宗御書于龍圖閣作詩令近臣應制及命李宗諤作序庚子又作龍圖閣贊示輔臣

祥符文宣王贊

祥符元年十月二十六日詔以紀號介丘觀風廣魯以十一月朔旦幸曲阜縣謁文宣王十一月戊午上

服靴袍詣文宣王廟內外設黃麾仗孔氏家屬陪列
有司定儀止肅揖上特再拜又幸叔梁紇堂命刑部
尚書溫仲舒等分奠七十二子先儒暨叔梁紇顏氏
上制贊刻石廟中復幸孔林以樹木擁道降輿驂至
文宣王墓奠拜詔加謚曰至聖文宣王祝文進署仍
修葺祠宇給近便十戶奉塋廟又詔留親奠拜祭若
翌日又遣吏書張齊賢等以太牢致祭賜其家錢三
十萬帛三百疋以四十六世孫同學究出身聖祐爲
奉禮郎近屬授官及賜出身者六人又追封叔梁紇
爲魯國公顏氏爲魯國大夫人伯魚母开官氏爲鄆

國大夫人先是詔有司檢討漢唐褒崇宣聖故事欲
追謚爲帝或言宣父周之陪臣周止稱王不當加帝
號故第增美名春秋孔圖曰孔子母感黑帝而生故
曰立聖莊子曰恬淡立聖素王之道遂取以爲稱二
年五月戊午以御製御書立聖文宣王讚示輔臣六
月丙午詔刻于石壁天禧五年六月己未國子監請
以聖製贊及詔命洎近臣所撰十哲七十二賢贊鏤
版流傳從之 又爲周文憲王贊昭烈武成王贊
會要祥符二年五月戊午製文宣王贊示近臣十一
月中書門下言欲依張齊賢向敏中王嗣宗等乞觀

御製文宣王武成王等贊及令丁謂等于廟堂宣示百官帝曰此但紀一時事何足于廟堂宣示宰臣王旦等言君父聖作臣子願觀未許旦等再三陳上許之翌日齊賢等奉表稱謝 崇文目總集始于兩廟贊文一卷 式墓而荆棘自辟升堂而絲竹如聞 晏殊頌

祥符禮選贊

太宗時邢昺嘗纂禮選以獻其後真宗閱書禁中得其本作贊以示近臣 實錄祥符三年五月乙巳上作禮選贊賜侍講學士邢昺

祥符自戒箴 守官箴

祥符三年三月丁酉上謂王旦等曰朕自北鄙和好邊陲無事然居安慮危未嘗敢自逸每爲文以自儆置座右朝夕觀之因出貴廩食吟軫田夫吟念農歌自戒箴守官箴以示旦等 御製五箴在後卽此箴

祥符天書周伯星贊

三年十二月丁巳作二贊

祥符廣孝泉贊

祥符四年二月甲子駕駐河中府觀舜井賜名廣孝泉修飾欄檻禁民慢褻二井南北相連可秉炬而入

史記所謂穿空旁出者也公府中井脉皆鹹獨此水
甘美俗傳飲者愈疾帝作贊記之又命王欽若作記
改舜泉坊曰廣孝坊五月於其側建廟

祥符西嶽真君贊

景靈宮頌

南京頌

四年二月二十日作

景靈宮頌見祠宮

南京頌

見銘類

大中祥符頌

祥符四年八月乙丑學士李宗諤請聖製左承天祥
符門碑從之先是天書降卽詔增葺宗諤以錫符之
地當有聖作上謙遜久之於是作大中祥符頌以宗

諤所撰文刻于碑陰 元年四月丙戌御製景靈宮
贊頌刻石

祥符真遊頌 朝謁太清宮頌 元符觀

頌

五年十二月乙酉作真遊頌示近臣七年七月

或作八月

丁丑製朝謁太清宮頌明道宮碑聖祖殿銘九年四月
庚戌作元符觀頌刻石天禧二年正月辛亥由元符
觀頌示輔臣 七年七月壬子修真遊殿本名延恩
以聖祖臨降因以題榜丁謂請御書殿額

祥符賜內侍箴

祥符六年三月甲戌上作內侍箴并注釋賜都知闕承翰等大指以內懷祗謹乃可事君其或輕率必當陷刑辟而失身苟能靖專無或放佚朕之望也監治軍戎唯在甘苦一同臨蒞之務兼濟奉使于外本自無威苟假朝廷之威人之奉爾蓋爲朝廷或不矜伐掌守禮度不自專輒常稟法制則外人見仍加欽重復命入對勿希旨勿附辨但存公平之道常持正直節儉忠直不爲奢侈之事切思矯僞勿思遲遲爾有勤勞國家必以官報爾不求自至也承翰請刻石本省從之 慶曆中孫沔奏太宗著令式之文真宗述

箴規之訓

祥符五箴 坐右文

趙湘判宗正寺時帝撰五箴自儆

一本云祥符二年撰

湘因言

宗室風化所本宜有以訓厲帝悅爲撰宗室坐右銘

視上

三年三月丁酉上謂王旦曰爲文自警置諸坐

右

祥符太宗聖文神筆頌 六閣圖書贊

六年正月庚戌詔曰太宗聖文冠古仙翰入神曩於
臨御之年爰徇衆多之請眷中州之至廣在勝境之
相望幸降德音屢頒副本朕丕承若厲恭閱惟勤輒

陳頌歎之辭冀申孺慕之感 云云 應諸路州軍宮觀

寺院名山靈跡經賜太宗御書者件析以聞當降御

製太宗聖文神筆頌刊石又賜王旦以下御製御書

太宗聖文神筆頌龍圖閣瑞物閣贊龍圖閣六閣圖

書贊太宗御製御書目錄龍圖閣瑞物閣瑞寶目錄

龍圖閣書籍圖畫目錄石銘太湖石銘共八軸並石本

從所請也九年二月并玉宸殿記刊石真諸翔鸞閣

下癸卯名近臣觀之

天禧元良箴 元良述 六藝箴

天禧二年八月甲辰立昇王為皇太子癸丑上作元

良箴七言十韻詩賜之又作七言詩二首分賜賓客

李迥庶子

張士遜

以下三年九月二十三日丙子名宗室

近臣對清景殿內出御製賜皇太子元良述六藝箴
各一卷又賜承華要略十卷授時要錄十三卷又以
御覽國史兩朝實錄太宗御集等書賜皇太子又作
七言十韻詩賜宰臣寇準等遂宴于殿內十二月辛
卯又以賜輔臣宮僚請降副本于資善堂以備觀覽
太子謝表曰爲鶴禁之寵光聳瑤山之軌範 漢
幄堯門爰增于禮秩湯盤武几遂著于格言潤金璧
以爲辭並義舒而宣曜

三海卷三十一
三百七十三
崇寧景靈宮贊 宣和文宣王贊

崇寧元年四月十二日建景靈宮成作贊 宣和四年正月製文宣王贊

紹興宣聖贊 七十二賢贊

紹興十四年三月十八日己巳幸太學覽唐明皇及太祖真宗祖考所製贊文命有司取從祀諸贊悉錄以進二十四日乙亥御製御書宣聖贊命揭于大成殿刻石盼諸路州學上謂輔臣曰唐明皇作贊斥先聖名非是闕曰尤見聖學高出帝王之上二十五年又製七十二賢贊親札刊石盼降焉二十六年十二

月戊午。廷紳請改詣州郡學校從之。宣聖贊曰。志則春秋。道由忠烈。具於堯舜。日月其譽。

隆興御製贊

元年七月。御製御書大士贊。賜天竺寺。八月二十二日。御製贊。誦賜宗杲。光堯御製盤松贊。康壽殿生芝草。光堯製贊云。履正懷冲。

乾道御製蘇軾文集贊

乾道元年閏正月。御製蘇軾集贊。其序曰。成一代之文章。必能立天下之大節。贊曰。手抉雲漢。幹造化機。氣高天下。乃克爲之。猗嗟若人。冠冕百代。忠言謹論。

不顧身害。云云敬想高風，恨不同時掩卷。三嘆播以
聲詩，選德殿書賜蘇嶠。先是有詔贈軾太師。

紹熙瑞芝贊詩

元年四月乙酉，宣示宰臣以慈福宮瑞芝圖及壽皇
御製贊上御製詩及高宗御製瑞芝贊。壽皇御製
詩付史館。

淳祐聖賢十三贊

萬幾餘閒，博求載籍，推迹道統之傳，自伏羲迄于孟
子，凡達而在上，其道行窮而在下，其教明各爲之贊。
元年孟春，祗謁先聖，賜國子監宣示諸生。伏羲

堯 舜 禹 湯 文 武 周 孔 顏 曾

子思 孟子

寶祐字民訓

四年三月二十五日丙辰御製字民訓爾等服勞州縣始獲脫選通籍信難矣學製爲尤難其律已必廉否則墨其養民必惠否則暴其聽訟必公否則私其蒞事必勤否則怠往卽乃封祇若予訓邑有善狀朝徹夕聞表用有先朝故典在昔子路以治蒲爲難夫子誨之以恭寬溫恕之理三年而政成朕之言夫子之遺意聽之毋忽四月六日丁卯令吏部書于改官

印紙閣門引見日宣示

三十一

三十一

玉海卷三十一